

四庫全書

史部

欽定四庫全書

史部

建炎雜記甲集十六至十八

詳校官編修臣范來宗

編修臣程嘉謨覆勘

總校官編修臣王燕緒

校對官助教臣卜維吉

謄錄監生臣金特

欽定四庫全書

建炎雜記甲集卷十六

宋 李心傳 撰

財賦三

官田

官田舊多在東南有之靖康中帝命經制司鬻蔡京王
黼田為糴本翁端朝中丞為經制使言恐生弊俸乞租
與客戶歲收課利損其二分從之然諸道間田頗多既

利厚而租輕因有增租以攘之者於是爭端紛構田之
詞訟繁興紹興二十八年知温州黃仁榮請鬻之以止
訟會和內翰溥亦請鬻官田為常平本從之其後戶部
會其數得錢五百萬緡自是舉行之獨營田不廢

省莊田

省莊田者今蜀中有之號官田自二稅外仍科租應大
小麥豈糙白米穀桑麻蕎芋之數十有八種無不畢取
之既高估其直又每引別物輸稱提錢民甚苦之然其

實皆民間世業每貿易官仍收其算錢但世相沿襲謂之官田不知所始也

屯田

屯田者紹興初陳宥直規為安復漢陽軍鎮撫使以境內多官田荒田乃倣古屯田之制命射士兵民分為耕墾其說以兵民不可並耕故使各處一方凡軍所屯之田皆相其險隘立為堡寨寇至則保聚捍禦無事則乘時田作其射士皆分半以畊屯田少增錢糧官給牛種

收其租利有急則罷從軍凡民戶所營之田水田一畝
賦粳米一斗陸田賦荳麥各五升滿二年無欠輸給為
永業流民自歸者以田還之凡營屯田事府縣官兼行
之皆不更置官吏條畫既具乃聞於朝詔與獎焉

元年十一

月丁未
下詔

三年下其法於諸鎮使行之悉以陳規條畫為

主江北無牛具其地仍用古法以二人拽一鋤凡授田
五畝為甲別給菜田又五畝為廬舍稻塲初年免田租
之半官屯以使臣主之民屯以縣令主之以歲課多寡

為殿最

三年二月癸酉

其後諸鎮又廢不果行四年諸子發建

言荆襄之間沿漢沔上下膏腴之地七百餘里土宜麻

麥古謂之上中請選良將領部曲鎮之招集流亡務農

重穀寇來則禦寇去則畊不過三年兵食自足詔送都

督亦未克行是時韓蘄王在淮東屯田上命在閩中市

牛賜之為屯田之用

五年閏二月壬申

五年冬張魏公在行府

請屯田郎中樊賓往江淮措置遂改屯田為營田後以

其擾民但令諸路監司領其事三十年李顯忠為池州

都統制復請令諸軍屯田

十一月丁未

俄軍興未暇及逮敵

退議者建言宜於淮甸屯田以修兵備詔兵部侍郎陳

應求往淮東工部侍郎許覺民往淮西措置

三十二年三月甲子

已而上謂大臣曰士大夫言此者甚衆必須先有定論

用諸民乎用諸軍乎若論既定當先為治城壘廬舍使

老小有所歸蓄積有所藏然後可為陳魯公曰今西北

歸正人願就畊者甚衆已降牛種本錢及治廬舍矣其

後應求請募兵畊荒蠲其徭役及七年起租賦上可之

五月
甲辰 乾道中有郭震者以建康都統守廬州始叛屯田

遂除節鉞俄又罷屯田兵令歸正又請佃蓋得不償費也荆襄田者自紹興以後專隸都統司亦粗有所入乾道二年乃詔除籍者及總領所外他司毋得預三月其語互見營田事中

營田

營田者紹興元年解潛為荆南鎮撫使以所管五州絕戶及官田年來荒廢者甚多乃以便宜開闢直秘閣宗

綱為屯田使召人使畊分收子利乃以上聞詔以綱為

鎮撫使營田官

五月辛酉

渡江後屯營田始此其後荊州軍

食多仰給於營田省縣官之半焉其秋遂命河南淮南

措置屯田

九月庚申

已而河南鎮撫司營田官汪直清言河

南殘破民歸業者尚罕所創營田全責之軍兵恐力微

難以號令請鎮撫司翟興兼營田使

十月戊寅

時諸鎮尚未

就緒命蜀中公安令倚營田辦集選官

十一月丁未

蓋解為

帥故也三年韓世忠為江東宣撫司上命措置建康營

田世忠言荒田雖多大半有主難以如陝西例請募民

承佃蠲三年租滿五年不言給佃人為世業於是詔江北

浙西皆如之田租初年全蠲次年半減

四月巳丑

尋又免科

配役

十月年卯

自後營田專用諸民五年王觀察彥為荆南

帥言已措置營田八百頃自蜀中買牛賦民詔多方措

置

十一月丁酉

先是言屯田者甚衆而行之未見其效六年

張魏公以都督出行邊乃奏改江淮屯田為營田凡官

田若逃田並無拘籍以五頃為二莊官給耕牛具種子

農器畫之別佃一莊以一人為長每莊官募民承佃其
法五家為一堡又給畝為菜田又貸本錢七十千分二
年償勿取息命措置官樊相伯賓王中孚舉行之

正月
丙午

尋命五大將

韓劉張
吳岳

及江淮荆襄利路帥臣悉領營田

使時李伯紀為江西大帥亦言今日之事莫利屯田然
兵革災傷之餘民力必不給請命江淮湖北宣撫司招
納京東西河北流移之人貸種收田勿取其入次年乃
收三之一又次年則半收之詔都督行府措置

三月

呂元

直時為湖南大帥因請錢十萬緡興屯田

五月丁亥

其秋中

孚入見上諭令竭力久任議者恐張相還朝欲留措置於是遷相伯司農少卿提舉江淮營田公事置司建康

府擢中孚屯田員外郎以為之副官給牛種撫存流亡

歲中收本穀三千萬斛有奇

七月壬申除二人

除客戶當給六

分官收十萬餘斛然議者猶以為奉行竣速或抑配豪

戶或強科保正田瘠難畊多收子利民間有鬻已牛而

養官牛耕已田以償官租者

此見中嶽廟李宋奏

中孚上疏爭之

且言願假歲月勿責近效上許之

七年二月辛巳

七年夏魏公

猶在中書亦覺其擾民乃言自置營田司數年已有成

效請罷司以監司兼領

六月己丑

十九年夏兩浙提領營田

曹泳言根括得鎮江荒田二千二百餘頃請悉以為營

田

六月甲戌

二十一年鎮江諸軍都統制劉寶請民戶識認

營田者畝償開墾工本五千緡許之

三月丁未

尋詔諸道倣

此由是營田漸以還民矣隆興二年孝宗諭大臣以營

田事欲使歸正人畊之湯丞相曰歸正人未可用諸軍不

歸人有恐懼可使白時中提舉四川茶馬以管營田湯

相薦其才

正月庚子

上召見之俾以營田事後亦不克行而

罷其後淮東西田卒以歸正人耕之乾道中又詔蠲州

縣撮收課子

八年七月

仍免其徭賦焉

關外營田

關外營田者紹興六年吳玠為宣撫副使兼營田使治
廢堰於梁洋率軍民營田凡六十莊計田八百五十四
頃其初因兵火後民多失業故募人耕之量收租利李

子公為大漕奏言漢中之地古稱沃野每畝除出糧租外止收三石為率約收二十五萬石乞付本司贍軍可省內郡水軍朝廷難之但賜玠詔書獎諭時七年秋吳玠死胡承公鄭亨仲代為宣撫使休兵後亨仲又行之關外四州及興州大安軍所營田至二千六百十一頃除糧種分給外實入官細色四十萬一千四十九石得旨撥十二萬石赴成都路對糴米而金州墾田五百六十七頃歲入萬八十六石餘石不與焉時十五年春也乾

道再和後強將豪民利於承佃故為欠輸得不償費虞
丞相允文代吳璘為宣撫使乃與利路安撫使晁侍郎
公武總領財賦查少卿齋共議以謂軍民雜處侵漁百
端又於數百里外差科保甲指教耕田聞有二三年不
得替者水旱則令保甲均認租數民甚苦之無所收之
租不償所給之數如興元府歲收租九千六百七十三
石而種田官兵請給乃為一萬一千四百四十石他皆
類此於是宣撫司始以便宜召人承佃抽兵歸營時四

年秋以明年夏宣撫司奏其事於朝詔可至淳熙初墾田至七千五百五十七頃而租入止有九萬八千石有奇慶元後又止為六萬六千石而金州田租亦止二千二百三十一石焉六年冬王少卿寧總計增其課朝廷以邊民不便罷之其語在時事中

埭田

埭田者江浙淮南有之蓋以水高於田故為之埭岸宣州化民惠成二埭相連長八十里蕪湖縣萬春陶新和

政三官圩共長一百四十五里當塗縣廣濟圩長九十
三里私埭長五十里建炎末為敵馬所壞紹興初命守
臣葺治之建炎永豐埭有田千頃初以賜韓忠武後歸
秦丞相今隸行宮淮西和州無為軍亦有埭田紹興三
十年張少卿初為漕徙民於近江增葺埭岸官給牛種
始使之就耕凡埭岸皆如長堤植榆柳成行望之如畫
云

圭田

主田自三代以來有之本朝沿唐不廢其制咸平初既定以官莊及遠年逃田充其數天聖中言者以謂多寡不均又貪吏或多取歲租以害細民七年八月詔罷天下職田悉以其歲入租課送官具數上三司以所在時估定價而均給之九年二月復故慶厯三年九月更定守令佐職官頃畝之限靖康元年五月始借一年輸內帑建炎初以國用不足遂拘天下職田隸提刑司

元年六月

乙酉李伯紀免相復給之明年呂源為發運副使復請收

圭田以贍軍上不許

八月壬子

紹興末東南諸路收圭租二

十三萬斛有奇州縣有過給者上聞之命及格則止

二十九年

十二月癸酉

舊制圭租皆給正色至是江西湖南米斗才數

十而圭租乃令折價至三四十陳正獻為殿中侍御史

為上言之遂命復輸本色

三十年十一月庚寅

隆興初又有權借

一年之令

元年六月

乾道改元以軍事始息又借職田米三

年用王大寶尚書請也

元年七月辛亥

八年冬復還之

十月丙辰

時

四川州縣職田宣撫司已借十年為軍中減汰使臣之

用乾道四年虞雍公申請

會其數歲得十二萬八千八百九十九

緡而已淳熙初亦還之淳熙末言者又論州縣守倖合
得主租皆折現緡其他則交本色乃是小官事下戶部
戶部奏在法主租以前後官在任月日均給不許折錢
即人戶願施錢而施增實直者准律科罪之十四年三月戊辰
今蜀中主租皆折現錢又多從隔郡支給相承已久莫
知始於何年

僧寺常住田

僧寺常住田者所在多有之紹興中高宗嘗取其絕產隸郡國養士久之常住驚祠部度牒其徒寢微二十年春命司農寺丞鍾世明往閩中措置寺觀絕產賦租自及常住歲用外歲得羨錢三十四萬緡入左藏庫明年張始營節使為帥又請於朝十還六七矣今明州育王臨安徑山等寺常住膏腴多至數萬畝其間又有特旨免支移科配者頗為民間之患焉

金銀坑冶

金銀坑冶湖廣閩浙皆有之

湖廣廣東西金坑湖南廣東江東西浙東西福建銀

坑

祖宗時除沙石中所產黃金外歲貢額銀至一千八

百六十餘萬兩渡江後停閉金坑一百四十二銀坑八

十四紹興七年詔江浙金銀坑冶並依熙豐法召百姓

採取自備物料烹煉十分為率官收二分

二月戊申

然民間

得不償課本州縣多責取於民以備上用三十年用提點

官李植言更不定額

五月丙戌

饒州舊貢黃金千兩孝宗時

詔損三之一今諸道上供銀兩皆置場買發蜀中銀每

發秤一兩用本錢引六而行在左藏庫折交才直三千三百云然民間之直又不滿三千高宗嘗諭輔臣以非劉晏懋遷之術欲更草之戶部以錢又折半為詞而止

二十六年
二月庚辰

其實吳蜀錢弊不能相通捨錢帛無以致遠

故莫如之何

銅鐵鉛錫坑冶

銅鐵鉛錫坑冶者閩蜀湖廣江淮浙路皆有之祖宗時天下歲產銅七百五萬斤鐵一百十六萬斤鉛三百二

十一萬斤錫七十六萬斤皆有奇渡江後其數日減至

紹興末江東西福建廣西湖南漳州府利路十四州歲

產銅二十六萬三千一百六十九斤九兩

信州膽銅九萬六千五百

斤饒州膽銅二萬三千四百斤潮州膽銅八萬八千九

百斤黃銅二百斤潭州膽銅三千四百斤建寧府黃銅

八千三百斤連州黃銅二千八百斤池州膽銅四百斤

汀州黃銅六十斤邵武軍黃銅三百斤漳州府黃銅六

千斤利州黃銅七千斤興州黃銅一

千六百斤南劍州黃銅三千六百斤

江東西廣南湖南

福建二十州產鐵八十八萬三百二十斤十三兩而蜀中

所產不與焉

信州二十五萬七千斤撫州十一萬七千
斤吉州二十九萬斤建州四萬斤壽州

二萬七千五百斤興國軍二萬四千九百斤饒州一萬七千斤舒州一萬七千五百斤賓州一萬四千六百八斤江州一萬三千八百斤潭州一萬三千斤惠州一萬二千七百斤韶州一萬二千斤廣州六千九百斤池州六千八百斤洪州三千五百斤辰州三千四百斤處州一千三百斤徽州一千二百斤南雄州四百斤皆有奇

江湖閩廣浙東二十州產鉛十九萬一千二百四十九

斤十三兩

信州十一萬五千斤潯州二萬二千二百斤南劍州九千五百斤賓韶州皆五千六百斤

邕連州皆五千斤興國軍六千斤衡州四千一百斤建寧府三千二百斤峽州三千七百斤潭州一千八百斤

舒州七百萬斤處州五百斤衢州四百斤温州南恩州皆二百斤桂陽軍七十二斤韶州六十斤皆有奇

湖

廣四州產錫二萬五百四十八斤六兩

賀州一萬二千六百斤桂陽軍

三千八百斤彬州二千四百斤衡州一千五百斤皆有奇視祖額鐵才及四分餘鉛及六釐銅及四釐錫及三釐皆弱東南失悉輸岑水鉛山永興利四場浸銅為泉司之用惟川鐵以鑄錢云舊婺州銅融福峽州南安軍鉛贛宜州南安軍錫坑皆廢膽銅者蓋以鐵為片浸之膽水中後數十日即成銅凡銅場十四鐵場三十八鉛場二十四錫場五云

東南諸路鑄錢增損興廢本末

東南諸路鑄錢國朝承南唐之舊為之未廣也咸平三

年馬忠肅亮以虞部員外郎出使始於江池饒建四州
歲鑄錢百三十五萬貫銅鉛皆有餘羨真宗即以忠肅
為江南轉運副使兼都大提點江南福建路鑄錢四監
凡役兵三千八百餘人大中祥符後銅坑多不發逮天
禧末所鑄才一百五萬及蔡京為政大觀中歲收銅止
六百六十餘萬斤比祖額虧四十餘萬斤內舊場四百六
十餘萬斤磨銅一百餘萬斤石銅七
十萬斤新場三十萬斤 江湖閩廣十監每年共鑄錢二百八十九
萬四百緡計用銅一千十一萬五千斤江州廣寧四萬

池州永豐

三十四萬五千

饒州永平

四十六萬五千

建州豐國

二十四萬四百

已上四監一百三十四萬緡衡州咸寧共

二十萬

舒州同

安嚴州神泉

十五萬

鄂州寶泉

十萬

韶州永通

八十萬

梧州

元豐

十九萬

已上六監一百五十六萬緡逐路交用以所

入約所用計少銅三百三萬五千斤自渡江後歲鑄錢

才八萬緡近歲始倍蓋銅鐵鉛錫之入視舊才二十之

一

舊一千三百二十萬斤今七千餘萬斤

所鑄錢視舊亦有二十之一爾

鑄錢諸監

紹興慶元年權銅

鑄錢諸監自紹興初以江池殘破遠涉大江遂廢之年

八月甲申是歲才鑄錢八萬明年以范汝為作亂權罷建州

鼓鑄

二年二月丙戌

二年汝為平復鑄錢泉司應副銅錫六十

五萬餘斤歲額鑄錢二十五萬然是歲才鑄十二萬緡

耳三年劉立道中宣諭江南歸奏言泉司官吏之費歲

為十三萬緡而木炭本錢如鑄錢之數請省其官屬從

之

十二月癸未

是時坑冶盡廢每鑄錢一千率用本錢二千

四百五年閩漕鄭士彥奏廢豐國監而歲與泉司認發

新額錢

二月丁巳

議者以為不可其冬戶部侍郎王侯請復鑄

錢及官鬻銅器以剔私鑄之弊

十二月辛亥

明年遂悉斂民

間銅器以鑄錢又詔私鑄銅器者徒二年

六年五月甲午

贛饒

二監新額錢四十萬緡提點官趙伯瑜以為所得不償

所費遂罷鑄錢歲額銅炭積而不用盡取木炭銅鉛本

錢及官吏闕額衣糧水脚之屬湊為年計十三年韓球

為使必欲鑄新錢調民興復廢坑鑄至於發墓塚廬舍

而盡無所得又請籍坑戶姓名約定買納錢數

閏四月丁巳

民大以為擾郡邑至毀錢為銅以應其命然所鑄亦才
十萬緡二十四年遂罷鑄錢司而歸之諸漕二十七年
戶部侍郎林覺請出版曹錢八萬緡為饒贛詔三年鑄
本錢權以五十萬緡為額七月庚午未幾殿中侍御史王珪
復言泉司不可廢湯致遠在樞院以為不然請與三省
議沈丞相等乃奏以戶部侍郎榮薊茂世領提點許置
官屬二員八月庚申然錢監既廢復不一故兵匠有闕不補
視舊數十損有三積其衣糧號三八闕額錢明年洪景

嚴為起居舍人為上言銅器之害上命出御府銅器千

五百事付泉司

二十八年七月庚辰

遂大斂民間銅器以鑄錢許

告賞其後得銅二百餘萬斤二十九年趙郡王令詔在

版曹因請以三分闕額錢為鑄本

二月丁亥

其秋復置提點

官

七月乙巳

明年夏泉司言歲課但可鑄十萬緡諸道銅加

以鉛錫可鑄六十萬緡是時乃暫依所請權以十萬緡

為額工部奏為五十萬緡

三十年五月丙戌

然亦止鑄十萬緡

而止云今泉司歲額增十五萬緡小平錢至一萬八千

緡折二錢六萬六千緡

折小平錢十萬二千緡

歲費鑄本及起綱

糜費約用二十六萬緡司屬之費又約二萬緡東南十

一路一百十八州之所供也

其名色有坑冶課利錢分衣糧錢木炭錢錫本錢約

二十一萬緡必一歲所收實不過十五六萬緡耳

其歲過課金

一百三十兩二錢

銀

坑額

七分三司銅三十九萬三千分本司銅八十三斤八兩鉛九百斤

錫一萬九千八百七十五斤

鐵二百三十二萬八千斤

此歲所權十無二三皆以錢貨於坑戶

以取給然亦不登當二錢十重四斤五兩

銅二斤九兩半鉛一斤十

五兩半錫二斤木炭五斤除大耗六兩外淨錢計上秤

重四斤十三兩

銅二斤十五兩半鉛

二斤一兩半錫三兩木炭八斤
除火耗七兩外淨錢計止半
視舊制銅少而鉛多天禧

之末每千錢用銅三斤十四兩鉛一斤八兩錫八兩建
州豐國入減鉛五兩銅亦如之紹興之制每小錢一千
用銅二斤半鉛一斤五兩炭五斤蓋七百七十七文為
一千者也合小平錢一千足乃用北料則錢愈鏹薄宜

矣
慶元三年乃復禁銅器

二月癸巳

民間舊有者限兩月赴

官投賣每兩以三十錢酬之

二月庚子

民間多不盡輸遂命

再兩箇月不復酬以錢違者許人告

六月庚申

湖州舊鬻鏡

行於天下至是官自鑄之

二年八月甲戌已用右曹郎官趙彥括奏禁銷錢為銅器

買者科違制之罪乃以匿隱論其爐戶決配海外永不放回仍許告捕

因復置神泉監以

所括民間銅器鑄當三大錢仍權隸工部

八月戊子

惟嚴錢

直輸行在官而建韶饒贛州皆自提點所泛湖由江入

漕渠輸之京帑焉然祖宗時內帑雖歲收錢一百五緡

江池饒連四
監熙寧中額

而每年退却六十萬三千人支一百萬赴

三司是內帑每年得一十一萬六千餘緡而右藏得九
十三萬三千餘緡今歲額止十五萬而隸封樁者半內
藏者半左藏咸無焉宜版曹之日困也

川陝鑄錢

川陝舊皆行鑄錢祖宗時蓋利夔三州皆有鐵冶故即山鑄錢邛州舊鑄錢十萬緡建炎初轉運判官靳博文以為歲費本錢二十一萬得不償費乃罷之

二年六月乙卯紹

興十年鄭亨仲為四川宣撫使始即利州鑄錢歲十萬緡以救錢引之弊率費二千而得千錢置官六人兵匠五百人歲用監官錢七萬緡四路稱提錢十四萬緡為鑄本

戊申十月

其後增至十五二十三年嘉守王知遠請復

嘉邛鑄錢監事下計司

六月丁酉

於是復置監於邛州明年

詔邛州歲鑄三萬緡利州九萬緡四月乙酉共費本錢引十

七萬五千緡

利州十一萬四千
邛州六萬一千

每千率費千四百二十

五年又詔利州鑄大小錢各二萬凡大錢一千重十二

斤小錢一千重七斤於是每歲鼓鑄本三萬三十一年再

減利州錢為六百緡大小各半云施州舊亦鑄錢萬緡

南平軍數千緡紹興末皆減今蜀中歲鑄十萬施州錢
紹興三

十年以鐵炭艱難減為七千南平軍
以廣苗少亦減為千緡並無光者

淮上鐵錢

淮上舊鑄銅錢兵火後舒州不復鑄錢但行饒建等錢而已乾道初林樞密安為右諫議大夫議以銅錢多入北境請別禁之而即蜀中取錢行之淮上事既行洪景伯參政言其不可上問之景伯曰今每州不得千緡一州以萬戶計之每家才得數百恐家間無以貿易且客無回貨鹽場有大利害上以為是乃不行

元年九月丁巳

但即

蜀中取十五萬緡行之費和二州而已五年秋王公明使蜀仲前議六年夏遂命司農寺丞許子中往淮西措

置即舒蘄二州鑄夾錫鐵錢舒州同安監歲二十五萬

緡蘄州蘄春監十五萬緡淳熙七年春舒守趙子蒙蘄

守施溫舒皆以鑄錢增羨遷官

正月
巳卯

然淮民大以為擾

八年秋王謙仲知舒州入見為上言之遂減舒州錢額十

萬緡與蘄州通三十萬焉

七月
癸卯

後踰月又詔權罷鼓鑄

一年

九月
丁丑

二年既復鑄錢因命淮漕臣兼提點江淮湖

北鐵冶鑄錢公事增歲額至六十萬緡然淮錢日移而

又著令不許過江人甚賤之乃復減為四十萬

東南會子

見前關子

東南舊無會子大觀中蔡京當國嘗倣州交子法為錢引之然所出猥多又官司不以出納故旋即廢紹興元年冬高宗在越張忠烈俊以神武右軍分屯婺州朝廷以水道不通始置見前關子召商人入中其法入見錢於婺州執關子赴杭越權貨物請錢每錢搭十錢為優潤十月壬寅六年春張忠獻為都督張如瑩澄主管行府財用請依四川法造交子與見緡並行先造二十萬緡行

於江淮既又造二十萬緡為糴本務置行在交子務

二月

甲辰

將悉行之東南趙公需時為諫官為上言官無本錢

怕民不信其不便者五胡南翰交修亦言姦民偽造抵
罪必多朝廷遂改為關子以十千而至五百凡五等紹
興末頗舉行焉當時臨安之民復私置便錢會子豪右
主之錢處和為臨安守始奪其利以歸于道既而處和
遷戶部侍郎鼓錢事是戶部為之三十二年春遂置行
在會子務

二月
丙辰

從隸都茶場悉視川錢引法行之東南

諸路凡上供軍需並同現錢仍賜左帑錢十萬緡為本

乾道初戶部以財匱增印會子二百萬緡李侍郎若川

因請兵官廩給減現錢歲中可得緡錢二百四十萬上

以其動衆難之

二年二月辛未

時會子初行軍中多以為不便

鎮江都統制郭振與總領趙公稱有隙奏乞公稱易現

緡行本軍上以諭輔臣洪丞相曰楮幣在處可行但須

得本錢稱錢乃可遂命行之淮東

三月辛亥

然楮券所出既

多而有司出納皆用現錢民不以為便陳天與良祐在

諫院為上言之尤甚已增權貨務入納會子二分上諭

輔臣不可失信於民

二年三月癸卯

三年遂出南庫錢二百萬

緡收回所增會子而命三衙全支銀錢時會子已造者二千八百餘萬已用者一千五百六十餘萬而在民間者九百八十萬緡始命盡收之已降內藏內庫銀各百萬兩矣曾欽道為戶部侍郎乞存民間見在者五百十九萬上從之然銀直既抵軍士患其所闕殿帥王琪因為執政言之欽道復以分數支會子上不欲魏丞相曰今

會子已非前日比上乃許之

七月
己亥

先是諫官陳天與嘗

言不可失信于民乞復置會子務

三月
癸未

蔣叅政行丞相

事力主之其冬復印新會子五百萬

十一月
己酉

四年春詔

諸軍諸司皆分數支會子德壽宮依舊交見錢禁中亦

分數交會子

三月
甲申

其秋曾欽道奏偽造會子入籍其貲

充賞再犯依川錢引發從之

八月
癸卯

五年春詔以一千萬

緡一界時欽道已先版書而陳已若以兵部侍郎提領

共奏乞如川錢引例兩界相沓行始許之

正月
辛酉

六年春

言者謂楮幣可行於無事之時不可行於有事之際今

銀直抵平宜廣收買或以度牒折納非徒交用悉以楮

幣乃令諸道監司別庫積銀以備緩急奏雖下後不克

行

二月丙戌

七年春詔州郡上貢許用七分會子三分見錢

正月

然有司取於民悉以見錢上命約束之

六月辛酉

淳熙十三

年秋詔今後再犯偽造會子雖印支不全成但已經行

用論如律

九月乙巳

今江浙會子一千率得銅錢七百五十

湖北會子一千率得錢五六百其法自一貫五百三百

至二百凡四等民甚便之自會子創造至今四百年遂與現緡並行不可復廢矣凡會子亦兩界並行總三千六百萬

第七界又增印子五百二十三萬八千八百有奇實為四千一百二十餘萬

湖北會子

湖北會子者隆興元年秋總領王琪始創造謂之直便會子凡七百萬緡乾道元年春楊侯帥荆南謂不可通行於諸路乞令戶部以五十萬緡兌換其後遂收三百萬緡止餘四百萬淳熙五年冬又令戶部印給三百萬

緡而總領周嗣武言自來鹽商無回貨率以會子市酒
飲而又令會子通行則茶引不信軍食必闕遂寢之十
一年始通行於四路淳熙初梁聰為京湖總領會其已
出應換之數五百六十二萬緡遂一造兩界焉每界二
百七十萬緡總為五百四十萬

兩淮會子

兩淮會子者乾道二年夏初令戶部印給三百萬緡謂
之交子不得過江八年秋以交子壞始出行在易會子

收兌紹興三年夏議者以淮上鐵錢多欲革其弊因子直為吏部尚書與從官陳進叔羅春伯謝子肅等合奏乞印造兩淮會子三百萬貫付于兩路每貫鐵錢七百七十淮東二分淮西一分依湖北例三年一對更不申辰事下兩省臺諫議而尤延之等議以為可遂施行之其會子仍分一貫五百二百者凡三等尤許轉至江池太平常州建康鎮江府興國江陰軍界內行應用兩淮上供及戶部錢物並權發現錢三年令淮南漕司樁管

而沿江八州軍合發上供一半會子則許用交子通
融起發江淮東西所椿管馬蓋自紹興辛巳二月以後
至紹興壬子八月以前行在湖北兩淮創行交會總為
四千九百六十餘萬緡以敵蜀中之數矣

四川錢引

四川錢舊成都豪民十六戶主之天聖元年冬始置官

交子務

十一月
戊子

每四年兩界印給一百二十五萬總崇

觀間夾兩用兵興增至二千四百三十萬緡

崇寧元年
增二百萬

二年又增一千一百四十三萬四年又增五百七十萬大觀元年又增五百五十四萬由是引法

大壞每兌界以四引而易其一蔡京患之大觀元年夏

改交子為錢引四月甲子舊交子皆毋得兌三年秋詔復以

天聖年額為準七月建炎初靳博文為益漕以軍食不繼

始以便宜增印錢引六十三萬二年六月其後張忠敞盧

立之席大光規紹視師率增印矣紹興七年夏四川不

得泛印錢引五月庚寅然邊備空虛泛印卒如故十年春用

樓仲輝印錢引者徒二年不以赦免正月戊子未數月以贍

軍錢闕又命印五百萬緡三月戊子十二年鄭亨仲復奏增

四百萬緡

三月辛卯

三十年軍事將起王瞻叔增印一百七

十萬緡

三月

明年虞井父宣諭川陝亦增印一百萬緡

三十

二年六月辛丑

紹熙二年以展年允界增還計所一百七十萬

緡慶元三年三路旱復減放又增一百萬緡今前後兩界共盡收錢引四千九百萬緡有奇其法自一千至五百凡二等每錢引一千民間直鐵錢七百已上而輸官則一千二百八十云

錢引兌監界

自天聖立川交子法每歲錢一易人戶輸紙墨費三十錢

紹興十一年秋增為六十四

七月壬寅

每界無慮一百七十

萬緡與更易不盡者號火水不到錢二年亦餘萬緡悉

令計司取之以備邊用然引屬總引而抄紙場錢引務

隸成都漕司故更易不盡者總漕屢爭之二十八年夏

孫太冲奏以為稱提本錢詔茶馬司檢察

五月癸亥

其後卒

歸計司焉紹熙二年上憫蜀民之勞詔權展一界乃易

慶元四年冬丁端叔自四川茶馬代還入見言川交子
二年一兌每引納貫頭錢八十文足民甚苦之今計所
多算財每請界展一年永為定制章下置制司十一月時
袁起巖為帥上言令民間每兌錢引一千貼納錢引六
十四文足每界總領所收貼頭錢凡百八十萬緡今欲
展年當求對補之策其一紹興初曾印百七十萬緡其
凡八年則兌界兩三次間暗增貼頭錢已三四十萬其
一去歲增印錢百萬緡異時每界增貼頭錢亦僅七萬

此二者畧可相當兼總領所每界撥還漕司工墨錢十
九萬緡今既展年不復對撥而又每界水火不到之緡
幾十萬皆總所得之若展一年所不到者又倍凡此皆
可以對補展年所虧之數明年春有旨許之戊申三月六年
冬兌界水火不到錢才七萬五千四百四十八緡嘉泰
二年陳日華暉總領謝用光為帥請之朝盖復以二年
一兌盖軍餉所仰不可復展矣

關外會子

關外銀會子者紹興七年吳浚王為宣撫副使始置於

河池

二月丙午

其法一錢或半錢凡一錢銀會子十四方紙

四紙折錢引一貫半千銀會子一萬紙每八兩折錢亦如之初但行於魚關及階成岷鳳興泰六州歲一易其錢隸軍中武安薨遂屬計所十七年七月復造於大安軍再歲一易乾道四年四月始增一銀錢三萬紙九月行於文州其後稍益增迄今每二年印給六十一萬餘紙共折川錢引十五萬緡

鐵錢會子

鐵錢會子者興元府金洋州用之創自隆興元年其法自三百二百至一百凡三等迄今每二年印給二百四

萬緡共折川錢引四十萬緡始是總領趙郎中沂奏獲其年十月四日癸巳指造

六十萬緡折錢引十萬貫行于金州至隆興二年六月乾道四年正月累增乃及此數也

建炎雜記甲集卷十六

欽定四庫全書

建炎雜記甲集卷十七

宋 李心傳 撰

財賦四

國初至紹熙中都吏祿兵廩

祖宗時中都吏祿兵廩之費全歲不過一百五十萬緡
元豐間月支三十六萬宣和間崇侈無度然月支一百
二十萬渡江之初連年用兵猶月支不過八十萬至淳

熙末朝廷無事乃月支一百二十萬而非泛然所及其金銀綿絹不與焉以孝宗恭儉搏節而支費擬於宣和則紹興休兵以後百司宮禁循習承平舊弊日益月增而未能裁削也

渡江後郊賞數

渡江後郊賞建炎二年用錢二十萬緡金三百七十兩銀十九萬兩帛六十萬匹絲綿八十萬兩皆有奇紹興元年越州明堂內外諸軍犒賜九百六十萬緡四年建

康明堂增至二百五十九萬緡

宿衛神武右軍中軍七萬二千八百餘人共支二百

三十一萬每人率為十三千有奇劉韓岳王四軍十二萬一千六百餘人共支二十八萬每人率為二千有奇而

方州不與其後日有增益二十八年冬祀上自立賞格命有司行之是歲錫賚金緡視前郊減半蓋自宮禁百官宗戚閹宦下至醫祝胥皂人人有之不可復廢矣

三司戶部沿革

國朝承五季之舊置三司使以掌天下利權宰相不與王荆公為政始取財利之柄歸於中書元豐制戶部尚

書左曹侍郎各一員掌經賦右曹侍郎一員掌常平苗
役坊場山澤之令由是版曹不能經畫中都百官諸軍
廩給亦不能理建炎初以軍興國用不足始命張誠伯
以同知樞密院事提領措置戶部財用黃道周潛厚以
經祠副之其後孟富文庾沈忠敏與求皆以執政繼領
利權由是少給然所取大率出於經制之外焉自罷總
制司版曹但掌經費歲入僅五千緡出亦稱是一有不
足未免支移或遇軍興則除禁帑應副外版曹但能預借

民間坊場淨利四百萬緡

紹興三十一年十月癸酉

或利賣度牒六

百萬緡而已

隆興二年二月

乾道初孝宗嘗記戶部歲入之數

較之歲用但闕三百萬緡

元年十二月丁亥

時會子初行李侍

郎若川因請增印二百萬緡

二年二月

然上半年尚闕五十

萬上命左藏南庫以銀會子半與之

三月壬辰

自是版曹歲

借南庫錢百餘萬緡因以為例淳熙中韓子師為戶部

尚書始免例借自後皆守其規約焉先是上以諸路財

賦收支浩繁令兩侍郎分路管認

乾道六年正月乙酉

淳熙十年

王宣子為戶部尚書始請於次年四月將諸道監司守倅所起上供錢比較以定賞罰許之八月甲午其後減展磨勘銀有差由是罕有遺欠者迄今遂為定制

左藏庫

會計錄

左藏庫者國家經賦所貯也淳熙中左藏庫封過三衙百官請給成歲為錢一千五百五十八萬餘緡銀二百九十三萬餘兩金八千四百餘兩絲綿一百十八萬餘兩絹一百四十八萬餘足以直計之金銀錢帛共約計

三千餘緡而宗廟宮禁與非泛之費不與焉紹熙間鄭
傳之湜以秘書郎轉對為上言今黃老之宮衛卒動以
百數外戚家廟防戶之兵多於太廟額外將校之俸錢
半於正額取給外庭百官之費不足當闕門醫職近侍之
半請明詔大臣裁定經費上自乘輿下至庶府除奉宗
廟事兩宮給兵費外一切量裁斟酌罷其不急損其太
過時趙德為戶部侍郎因請稽考內外財置紹熙會計
錄俟見大槩之後命戶部宰屬同共詳議而一二大臣

公心叶意為之斟酌以其所減損而以予民遂命版書
葉叔羽中執法何自然檢正林和叔左右司沈信叔楊
濟甫與德老同為之二年正月丁未
丁丑兩次降旨未幾自然丁內艱
去官後亦未聞有所減也

左藏南庫

左藏南庫者本御前掌管激賞庫也孝宗即位之初年
改之先是紹興休兵後秦檜取戶部窠名之可必者盡
入此庫戶部告乏則予之檜將死屬之御前由是金幣

山積士大夫至指為瓊林大盈之比二十九年夏河流
淺澁網運不通高宗嘗出內帑錢五百萬緡以佐調度
五月己未已而謂輔臣曰朕息兵二十年所積豈以自奉蓋
以備不時之須免臨時科取重擾民爾及軍興又出九
百萬緡為出師勞功之用明年夏詔從臣條具足食足
兵之策三十二年四月己亥黃通老為禮部侍郎建言足食之計
在於量入為出今天下財賦半入內帑有司莫能計其
盈虛請用唐德宗楊炎之策歸之左藏及上受禪袁伯

誠孚在諫院復以為言上從之遂改內藏激賞庫為左

藏南庫焉

七月癸丑

然南庫移用皆自朝廷非若左帑直隸

版曹為經費也淳熙末始併歸戶部

十年八月二十八日

上諭大

臣曰此庫併歸版曹朕亦省事既而都省令戶部管認南庫錢二百萬餘緡版書王宣子奏此皆奉親及內教所須不可欠闕計歲祇應支九十五萬而見在止三十五萬其應入者又三十九萬有奇既闕二十一萬緡而南庫例還戶部沙田錢二十三萬緡又在其外合之為欠

四十四萬緡是南庫歸版曹無益而有損也乞就撥歸
封掌庫其朝廷年例合還戶部錢却於封掌庫支取不
從既而蔣世修正言又奏南庫撥歸戶部於今年而
庫名尚存官吏如故乞併罷上曰若盡廢庫名出入必
殺亂可以左藏西上庫為名十二年正月三日於是諸路歲發
南庫窠名錢一百九十八萬餘緡改隸本庫後又改稱
封掌下庫仍隸戶部焉紹興元年十月二日

左藏封掌庫

左藏封掌庫者孝宗所創也其法非奉親非軍需不支至淳熙末年往往以犒軍或造軍器為名撥入內庫或睿思殿或御前庫或修內司有司不敢執鄭溥之為勅令所刪定官因轉對為上力言之事已十三年矣庫中所儲金至八十萬兩銀一百八十六萬餘兩又有糴米錢度牒錢而下庫復儲見緡當五六百萬十六年夏溥為秘書郎因轉對又為光宗言之疏入命戶部稽考以聞

十六年

然卒不竟也慶元後每封掌庫取撥錢輒數

十萬緡銀亦數萬兩黃金亦數千兩蓋以奉神事親之

費云

六年六月撥封掌庫錢一百萬緡修太皇太后攢宮七年撥二十萬緡入內藏八月撥十五萬緡并

銀二萬兩充秋季供奉太皇太后使用又撥金二千五百兩銀二萬充明堂使用又撥一百萬緡修奉太上皇帝攢宮一季之間所撥金銀錢計直二百五十萬緡蓋多非泛支用故爾常年則不及此數焉

內藏庫

激賞庫

內藏庫者始因藝祖削平諸國收其帑藏貯於講武殿而太宗太平興國三年因分左藏北庫為內藏庫亦謂景福內庫然歲入不過錢百餘萬緡銀十餘萬兩真宗

咸平中嘗謂宰相曰祖宗置內藏所貯金帛以備軍國之用非自奉也二聖削平諸國親視郊兵所費不貲出於是三司所假凡六千萬兩於淳化迄景德每歲多至三百萬少亦不下百萬三年不能償即蠲除之此庫乃為計司備經費耳故仁宗後西北事起大率多取給於內藏神宗用王荊公計凡摘山煮海坑冶權貸戶絕沒納之則此舊三司窠名屬左藏庫與常平免役坊場河渡禁軍闕額地利之資悉歸朝廷元豐元年更內藏庫名凡三十二

庫每庫一詩一字目之五年又取苗役羨財為元豐庫

直隸朝廷在內藏之外

張編載元豐庫宜政殿庫乃內藏也本在講武殿後改即崇政

殿庫按太府寺南為崇政庫元豐庫在太府寺南

元祐初宣仁共政呂正愍公

又建元祐庫以備封掌皆號朝廷庫務徽宗崇觀後則

大觀東西等庫西城所處無不皆天子私藏而版曹告

竭矣高宗渡江但有內藏及激賞二庫秦丞相用事每

三宮生辰及春秋內教冬年寒食節與諸局所進書皆

獻金幣由是內帑山積紹興末有詔除太后生辰及內

教外餘並減半

二十九年八月丁巳

孝宗初又併書詩禮物罷之

紹興中始數取封掌錢入內藏上受禪又取淮東總領所羨財五十萬緡入內禁藏識者嘗以為言激賞庫即所謂左藏南庫

御前申庫

御前申庫者紹興中置凡乘輿所須圖畫什物有司不能供者悉於申庫取之故百工技藝之巧者皆聚於其間日費無慮百千萬內中既有酒庫而申庫所釀尤勝

以其餘酤賣頗侵戶部窠額以此軍儲常不足二十九年冬張子公再為吏部尚書因見上言王者以天下為家不當私置申庫以侵國用上從其請盡罷之人由是知申庫之設非上本意也

三省樞密院激賞庫

三省樞密院激賞庫者渡江後所創也自建炎龍興堂膳始減至維揚又減至臨安又減紹興四年秋趙元鎮為川陝荆襄都督既而不行遂以督府金錢入三省樞

密院激賞庫十年秦會之當國以烏珠畔盟用兵須犒
賜之物乃計畝率錢徧天下五等貧民無得免者然兵
未嘗舉而所歛錢盡歸激賞庫其後至歲支三十八萬
緡堂厨萬五十千東厨萬二千玉牒二萬四千日厯勅
令所國史院各二萬尚書省牒設一萬三千中書門下
七千密院九千識者指為冗費二十九年冬上命御史
舍人識之朱漢章洪景嚴奏歲減二十萬緡十二月詔
可孝宗受禪復減歲用錢為十萬緡二十二年七月壬戌迄今不

改

合同憑由司

合同憑由司者宮禁所由取索也歲取金銀錢帛率以百萬計但愁數除破耳雖有歲終考比之令然郎官第赴內東門司終日魏座而數璫與數媼自為會稽郎官不得預畢事則卷牘尾亦俾之書名而已紹熙二年春議者以為濫予橫賜無以撙節請自今內諸司所給賜所營造所取悉從有司定為中制惟正供而已其濫

恩橫賜皆釐正之詔葉叔羽趙德老何自然同稽考正月
辛未其後亦不果裁節焉

修內司

修內司者掌宮禁營繕渡江後浙漕及京府共為之紹興末趙侍郎子繡為浙漕奏免修繕以其事歸修內司歲輸緡錢二十萬後減五萬緡乾道初有司請悉除免上曰如宗廟有損動處安得不修乃再減緡錢五萬然修內司逐時於左藏庫關支錢物猶為不少今又厯

赴北部驅磨不過斧若干具鋤耰若干柄而已一錢尺帛並不卦歷故戶部亦不得而稽考焉

國用司

國用司者孝宗始置語在官制中然於國用未有所制也乾道三年春蔣子禮初秉政因謝恩除留身奏事為上言今費財最甚莫如養兵近陳敏減汰二十人戚方減汰四千人大約一兵每月減二十千汰兵固為良策然今之軍士類多有官若與之外任既不廢券錢又加

供給大抵離軍使臣每員月費四十餘千

券錢三十六千供給五千

臨安一府八十員歲費錢二萬六千緡以此推之諸道可知雖減之於內而增之於外未見其得上曰若是則減汰全無益子禮曰豈惟無益而已今減六千人則必招填六千人是倍費也臣契勘在內諸軍每月逃亡事故常不下四百人若權住招一千半內外可暗省二百八十萬緡異時財用有餘更招少壯者練習之不惟省費又可兵精上以為然子禮由此驟相然識者謂此策

暫可行也若利其闕額而為之是又蹈宣政之覆轍矣

是日

二月
壬申

子禮奏事退御筆批自今宮禁內人并百官

三司將校軍兵諸人每月五日國用房開具前月支過
上五項請給數目人數具開進呈自此月為始外路軍
馬降式下諸路總領所逐月開具并非泛泛支用之數
以聞永為定式云其後廢國用房而版曹進冊如故

權貨務部茶場

權貨務部茶場舊東京有之建炎二年春始置于揚州

正月壬辰是年又置于江寧乙丑紹興三年又置於鎮江及

吉州五年冬省吉州務而行在務場隨移臨安以都司

提領其始歲收茶鹽一息錢六百九萬餘緡紹興元年六年

九月詔歲收及一千三百萬緡許推賞時以為極盛矣

休兵已久歲課倍增二十四年收二千六百六十萬緡三十二年收二千一百六十五萬

緡皆有奇乾道三年三月詔以二十四百萬緡為額建康千

二百萬緡臨安八萬緡鎮江四百萬緡於是淮東總領

所實在鎮江月支權貨錢三十萬緡為贍軍之用淳熙

中三務場官吏互爭課賞始禁鎮江務鈔引不得至臨
安十年以朱少卿佺為淮東總領遣屬吏劉荀訴諸朝
時黃德澗為中執法率臺諫上言鎮江務場軍食所係
倘有不售其害非輕臨安務場年額未始有虧萬一無
有羨財不過官吏不該泛賞而已請令提領官總三務
場增虧有無以為殿最而鎮江鈔少復如著令許至臨安
從之

六月
戊申

自是鎮江務場始給矣

豐儲倉

外路積糧

豐儲倉者紹興二十六年夏始置先是王公明為司農卿寺丞請令諸路以管錢糴米赴行在鍾侍郎世明因奏令諸路歲發常平陳米十五萬斛啟倉贍軍言者以其壞常平法奏絀之韓尚書仲通在版曹乃請別儲粟百萬斛於行都以備水旱號豐儲四月戊戌其後又儲二百萬斛於鎮江及建康然頗有借兌三十年夏詔補還之四月乙丑今關外亦積糧一百萬斛有奇然行在歲費糧四百五十萬斛餘建康鎮江皆七十餘萬斛今中都所積

但三月之糧關外積糧亦不能支一年古者三十年必有九年之蓄自己酉休兵至今近四十年矣謂宜益儲積糧以為飢荒軍旅之備否則增糴如歲用之數以陳易新使常有一年之蓄庶乎其可矣

淮東西湖廣總領所

淮東淮西湖廣三總領所自休兵後朝廷科撥諸州縣財賦及權貨等錢與之淮西歲費錢七百萬緡米七十萬石張魏公為都督增神勁軍二萬歲益費二百萬緡

湯丞相以為言故後亦廢然為總領者但能拘收出納而已固非能以通融取予之術行乎其間也至乾道中淮西歲費已增為一千一百餘萬緡而米猶如故淮東總領所歲費錢七百萬緡米七十萬石而諸郡及鹽司所輸之緡多愆期者

每月五十八萬緡內浙鹽司三十萬平江鎮江府及常州共十五萬

江西九郡共十二萬

湖廣總領所歲費錢九百六十餘萬緡米九十萬石諸路所輸率亦常負十分之三然合三總領所

支僅當四川一年之內數益川中糴買歲為八百三十

餘萬緡而三總領收正色米故也凡三總領所歲用戶部經常錢九百萬緡而權貸所支不預渡湖始發三合同關子乾道中以關子折閱詔歲增撥四川錢帛為二百萬緡補之

錢一百七十萬緡
綢絹絲綿在內

淳熙末盡損之以損四

川鹽酒重課而內府償焉朝廷既以歲額撥錢歲為永數近歲軍中大請受人漸少由是年支之外計司稍有贏餘有司疑朝廷惡其優多掩蔽所餘不盡載于成冊往往妄稱趙積以為已功紹熙末內藏庫下淮東總領

所取撥羨財明年二月葉正才言此項當存留以備緩急請詔有司自今除每歲收支外並將有管實在之數開具成冊使朝廷通知有餘不足之數若非緣軍前事毋得輒支移起發欲以他用雖有中旨許執奏不行俟儲積漸多朝廷經制既立然後職窠名之重輕考撥定之數目寬減州縣還以予民從之惟四川總領所自建炎以後專利權不從中覆故得以守其職業焉

四川總領所

二事

四川總領所贍軍錢并金帛以紹興休兵之初計之一

歲大約費二千六百六十五萬緡其五百五十六萬緡

酒課

今減為四百一十餘萬

三百七十五萬緡鹽課

今減為三百餘萬

四

百餘萬緡糴本

二稅上科

一百四萬緡茶司錢

額一百四十萬逐年實

發此數

二百三十一萬緡經總制司錢

語在經總制前事中

九十萬

緡錢銀引免界貼頭錢

語在兌界事中

二十四萬緡三路稱提

錢

語在其事中

十萬緡西河州鹽錢始趙應祥為大漕也紹

興五年四川收錢物總三千三百四十二萬緡而所出

多五十二萬緡

歲支三千三百九十四萬餘緡

吳武安一軍費緡錢一

千九百九十五萬明年收錢減二百八十萬出錢增六

百六十六萬緡以宣撫司僭剩錢補其闕

一年缺九百四十六萬緡

而武安軍需增錢三百八十萬緡

凡二千三百七十五萬

應祥既

與武安不協遂丐免七年李子及代為都轉運司一歲

本司所入視六年增六百七萬緡

凡三千八百二十九萬

所出減

二百三十一萬緡

凡三千八百二十九萬

以入較出猶虧一百六

十二萬緡八年子及上疏言本司應副軍前正色折估

米二百六十五萬斛有奇而宣司兵籍以紹興六年考
之止有六萬八千餘人計費米若干之例共約費若干
斛是米數尚有餘於人數也蓋宣司兵官視軍士居十
之二

官員一萬七千七百餘員
兵士五萬七百四十九人

皆繫名冗員之人而官

員請給十倍於諸兵計司安得不困時武安亦劾子及
饋餉不繼子及遂坐免十二年朝廷既罷兵鄭亨仲為
宣撫副使右護軍歲計猶缺錢七百七十八萬緡明年
詔增印錢引四百萬十六年以後始節次寬減重賦至

七百萬緡十八年亨仲召歸而宣總所椿積錢至五千餘萬當此之時蜀中號為優裕乃休兵之力也辛巳用兵諸將增招至十萬六千人增馬五千匹而茶馬等司歲輸又多所負由是總領歲闕至六百四十萬緡乾道四年二月丙申有旨四川宣撫司集四路漕臣於利州以財賦之入對立養兵之額於是宣撫虞雍公澄覈兵籍去其老弱者近萬人諸軍開落詭籍者二十人定立軍額為九萬七千有奇又頗取四漕歲錢以益之至淳

熙間軍籍視武安時增三之一歲用視武安時減三之一焉蓋自乾道再和軍中大請受人益少由是稍有羨財每遇減放鹽酒絹布激賞之屬計司所抱多至數十

萬緡而二十萬緡實此錢也

紹熙三年至慶元三年楊少卿輔抱鹽酒三十萬緡

權少卿安節抱布估錢三十萬有奇零絹估錢二十八萬緡權少卿安節抱布估錢三十萬緡激賞絹二十萬緡只此六年間計司會職者猶謂四川總領所多有餘羨已抱一百萬緡矣

其實不然東南三總領所掌利權皆有定數然軍旅饑饉則告乞于朝惟四川在遠錢幣又不通故無事之際

計臣得以擅取予之權而一遇軍興朝廷亦不問自建
災軍興後應祥權鹽酒之課折絹布之估科激賞之費
倍糴本之輸商賈農民征率殆盡辛巳之役王瞻叔無
以為計遂大括白契以贍軍朝廷知其擾民而不容止
也自應祥瞻叔為善理財後近歲趙德老楊嗣勲權少
卿相繼總賦皆以減放為急蜀人幸之

德老嘗減鹽酒
折估錢一月凡

七十
萬緡

然今計司所取錢猶有無藝者淳熙六年蠲免鹽

酒重課而所折之絹布猶如故至今遇閏月財不減謂

之加閏通不過二萬緡又如諸縣井契錢自王瞻叔以來每損之以助省計而王德和悉拘入計所通不盈十萬緡此皆失於瑣碎者也謂宜損其無藝而善藏其餘無事則以予民有事則以給餉庶乎其可爾

諸州軍資庫

諸州軍資庫者歲用省計也舊制每有計度轉運使歲終則會諸郡邑之出入盈者取之虧者補之故郡邑無不足之患自軍興而計司常患不足給凡郡邑皆以定

額窠名予之加賦增員悉所不問由是州縣始困近歲

離軍添差大為州郡之患

紹興十一年四月己未初用張循王奏離軍將佐並與添

差郡患無以給二十七年六月丙辰兵部奏大郡無過百人次郡半之小郡三十人為額從之而宗室

戚里歸明歸正甚至於樂藝賤工胥吏雜流亦皆添差

慶元一郡而添差四十員盡本府七務場所入不足以

給四員總管之俸其間有十五年不徙任者計其俸入

錢二十餘萬緡米十餘萬斛揚州會府也歲輸朝廷錢

不滿七八萬而本州支費乃至百二十萬緡民力安得不

困紹興初議者請裁定朝廷經費然後使版曹盡一歲
之入正其舊籍削去虛額擇諸路監使之愛民而通財
計者俾之稽考調度蠲其煩重以寬民力朝廷未克行
今之為郡者但能撙節用度譏察滲漏使歲計無乏已
號過人無復及民之政矣

公使庫

公使庫者諸道監帥司及邊縣州軍與戎帥皆有之蓋
祖宗時以前代牧伯皆斂於民以佐厨傳是以制公使

錢以給其費懼及民也然正賜錢不多而著令許收遺利以此州郡得自恣若帥憲等司又有撫養備邊等庫開抵當賣熟藥為所不為其實以助公使耳公使苞苴在東南尤甚揚州一郡每歲饋遺見於帳籍者至十二萬緡江浙諸郡每以酒遺中都官歲有五六千斤以至數千瓶淳熙中王仲行尚書為平江守與詞官范致能胡長文厚一飲之費每至千餘緡時蜀人有守潭者又有以總計攝閭者視事不半歲過例饋送皆至四十五

萬緡供宅酒至二百餘斛孝宗怒而絀之

九年正月戊子三月乙未

然其風蓋未殄也東南帥臣監司則罷號為上下馬隣路皆有饋計其所得動輒萬緡近歲蜀中亦然其會聚之間折俎率以三百五十千為準有一身而無數職者則併受數人之饋遺獻酬之際一日而得二千餘緡其無藝如此頃歲陳給事峴為蜀帥馮少卿憲為成都漕就以所遺元物報之陳怒奏其容覆贓本朝廷遣之逮陳敗乃得其直時芮國器侍郎趙子直丞相相繼為江

西漕凡四方之聘幣皆不入于家斥其資置養濟院於南昌以養貧者朱少卿時敏為潼州守受四方之饋每以其物報之趙德老鎮成都受而別儲之臨行以散宗室之貧者此皆廉節之可紀也惟總領所公使錢以科次取於大庫軍故歛不及民然正數不多而歲用率十數萬每歲終上其數於戶部輒以勞軍除戎器為名版曹知而不告也所謂公使醋錢者諸郡皆立額白取於屬縣縣歛於民吏以輸之小邑一歲亦不下千緡人尤

以為怨謂宜罷互送而捐遺利使上下一體而害不及民則合祖宗之制

建炎紹興戶口數

建炎三年兩浙路主戶口戶二百一十二萬二千七十

二口二百五十六萬七千八百

每十戶率為十五口有奇

成都府路

戶一百十三萬一千四百八十九口三百二十六萬九

千三十六

每十戶率為三十口弱

紹興二十九年諸路戶一千一

百九萬餘口一千六百八十四萬餘

每十戶率為十六口弱

三十

一年戶一千一百三十六萬餘口二千四百二十餘萬

每十戶率為十一口有奇

三十三年戶一千一百十三餘萬口二千

三百一十一萬有餘

每十戶率為二十一口弱

四川元豐紹興淳熙戶口數

四川六十州一百九十九縣元豐二年戶二千一百餘

萬口一千六百餘萬紹興三十二年戶二百六十四萬

餘口七百五十一萬餘

每十戶率為三十口弱

淳熙二年戶二百

五十八萬有餘口七百四十三萬餘

本朝視漢唐戶多丁少之弊

西漢戶口至盛之時率以十戶為四十八口有奇東漢戶口率以十戶為五十二口可準周之下農夫唐戶人口至盛之時率以十戶為五十八口有奇可準周之中次自本朝元豐至紹興戶口率以十戶為二十一口以一家止於兩口則無是理蓋詭名子戶漏口者衆也然今浙中戶口率以十戶為十五口有奇蜀中戶口率以十戶為三十口弱蜀人生齒非盛於東南意者蜀中無

丁賦故漏口少爾昔陸宣公稱租庸調之法曰校閱而衆口可知是一丁受田決不可令輸二丁之賦非若兩稅鄉司能開闔走弄於其間也自井田什一之後其惟租庸調之法乎

建炎雜記甲集卷十七

欽定四庫全書

建炎雜記甲集卷十八

宋 李心傳 撰

兵馬

三衛廢復

國朝舊制殿前侍衛馬步三衛禁旅合十餘萬人宣和間僅存三萬而已京城之破多死於敵建炎元年秋其騎帥郭仲荀自以敵逼京城糧儲告竭遂率餘兵赴行

在其冬上將航海避敵而衛士張寶等不肯行因呂元直入朝率仲荀出語不遜上怒誅十七人於明州申時行門外盡廢其班明年春上至台州兵衛寡弱惟中間統制官辛永宗有衆數千而呂元直之新軍將姚端衆獨盛上皆優遇之四月上還會稽乃選中軍五百人入直殿嚴悉烏合之衆時趙元鎮初秉政因為上言祖宗於兵政最為留意今諸將合兵總衆不隸三衛則兵政已壞獨衛兵髣髴舊制亦掃蕩不存是因咽而廢食也

上悟尋復舊制然衛兵不滿三千識者病其單弱數以
為言紹興二年秋詔三衛措置而已上謂輔臣曰一衛
士所給可贍三四兵朕命楊沂中治神武中軍此皆宿
衛兵也遂命沂中兼提舉宿衛親兵五年冬廢神武中
軍隸殿前司以沂中主管殿前司公事十二月庚子又以都
督府兵分隸三衛是月庚子七年夏復合馬司餘軍及八字
軍為六軍十二將命信叔主之四月丙申而解承宣潛典步
軍如故自是三衛始復

八字軍

八字軍者河北土人也建炎初王觀察彥為河北制置使聚兵太行山皆涅其面曰誓殺金敵不負趙王故號八字軍二年冬十月癸亥上命御營統制范瓊往山東擊金瓊謂彥與俱已而彥以疾留其州瓊遂並將其兵而去三年秋七月丁亥瓊誅復以其兵還彥時彥乃御前統制也後十三日張忠獻以宣撫處置使發行在上命彥將八字軍隨之公至蜀以彥守金州紹興三年春

薩里罕入寇彥兵大敗遂走達州四年移鎮襄陽府六年五月己卯召為行營前護副軍都統制以部八字軍萬人赴行在時解承宣潛典馬軍司事與彥不叶兩軍之士交鬪於道衢中外洶洶七年正月張忠獻獨相乃為胡丞相給事言兩罷之而以劉信叔領軍司事併王解兩軍屬之十年春二年癸丑以信叔東京留守將八字軍而行其年六月大敗烏珠於順昌十一年三月復還姑孰七月信叔罷為京南帥其衆復還臨安今侍衛馬

金史四庫全書
卷十八
軍皆其子孫乎

御前諸軍

御前諸軍者本高宗所收諸將部曲也祖宗內外諸軍
惟廂禁二色而已禁軍皆隸三衛而更戍於外廂軍者
所在有之以守臣節制若禁軍在邊上則文臣為經畧
使者統之武臣但為總管熙寧間內外禁旅合五十九
萬人神宗將有事於四夷乃置三百大將其法甚備崇
觀後朝廷取其闕額之數以上供故闕而不補者幾年

軍興以來所存無幾上在元帥府始招潰卒郡盜以為五軍
後又得王淵楊惟忠等河北之兵建炎元年五月以為
御營五軍然猶未大盛也三年四月又更置御前五軍
而劉光世所領西軍則謂之巡衛軍在五軍之外是歲
又改為神武五軍紹興元年十二月又改為行營四護
軍張浚稱前軍韓世忠稱後軍岳飛稱左軍劉光世稱
右軍併楊沂中中軍右殿前所司吳玠軍如故七年八
月光世軍叛降於齊於是川陝軍更以護軍為號十一

年四月三宣撫司罷乃改為部曲稱其州駐劄御前諸軍十八年川陝軍亦如之其軍皆不隸三衛由是御前軍又在禁軍之外矣御前軍者雖帥臣不可得自達於朝廷禁兵但令供廝役習為故常廂軍將官雖存而無職事但以為武臣差遣而已愚謂不若併禁軍於廂籍而改御前軍為禁軍所在以帥臣節制之而都統官為之副庶幾兵權出於一而緩急皆可以責成如此則合祖宗制兵之意矣

三衛剏軍本末

三衛諸軍殿前司則本辛永宗中軍部曲而益以他軍也其馬軍司本王彥之部曲而益以解潛劉錡田晟之軍也其步軍司本顏漸部曲而益以他軍也自紹興五年至七年規模始定然其馬步二司不能敵殿司之半故楊存中權勢獨盛乾道七年春虞中肅為丞相騎軍屯於建康以為出師之漸號馬行司識者不以為然然上下重遷訖不能正也

紹興內外大軍數

紹興初內外大軍凡十九萬四千餘而川陝不與宿衛

神武右軍中軍七萬二千八百

張浚將左軍
楊沂中中軍

江東劉光

世淮東韓世忠江襄岳飛湖南王玘四軍共十二萬一

千六百是年冬併神武中軍隸殿前司而右軍如故五

年春王玘罷遂以其軍一萬五千隸韓世忠七年秋劉

光世之兵降偽齊其將王德以所部八千人歸張浚由

是三衛之外但有韓張岳三軍今鎮江大軍韓氏部曲

也建康大軍張氏部曲也鄂州大軍岳氏部曲也惟荆南江池皆紹興末新創荆南則劉信叔所招効用而頗以鄂軍益之江池軍則三衛之疲弱者而江州一軍又雜以江西茶盜近歲皇甫固為帥始訓齊之故東南惟以潤昇鄂三軍為根本

乾道内外大軍數

乾道三年江上四川大軍數額總四十一萬八千人殿

前司七萬三千人

乾道元年七月十三日降旨

馬軍司三萬

乾道二年正月

二十六日詔以二萬八千人為額六年正月十五日李舜舉乞增二千人從之步軍司二萬一

千人乾道二年正月二十六日降旨建康都統司五萬人池州都統

司一萬二千人并乾道二年二月二日因淮東總領楊俊申請降旨鎮江府都統

司四萬七千人乾道二年十月十一日降旨江州都統司一萬人乾道

四年十月十四日苗楚州武鋒軍一萬一千乾道九年四月十五

日因節約陳平江府許浦七千人乾道二年十月十三日降旨鄂州

都統司四萬九千人乾道二年十月九日降旨荆南都

統司二萬人乾道二年十一月四日降旨興州都統司六萬人興元

都統司一萬七千人金州都統司一萬一千人

并乾道三年正月二

十四日降旨

其後諸軍增損不常大都不過減四十餘萬合錢

糧衣賜約二百緡可養一兵是歲費錢已八千萬緡宜民

力之困矣

淳熙甲辰周益公在樞院以荆鄂二帥勢均力敵首尾觀望乃合為一司鄂為正荆為副馬

關外軍馬錢數

興州興元府金州三都統司兵本曲端吳玠關師古之

徒關西部曲也端死師古繼叛其部曲皆玠所有王庶

劉子羽繼在興元招召流散粗成軍伍子羽罷玠并將

之其後廬立之為宣撫副尚有兵三萬立之死亦為玠
所并合是三者為兵共七萬人玠死胡丞相命其弟璘
以二萬人守興州楊政以二萬人守興元郭浩以八千
人守興州而玠之中部選鋒二萬人分屯仙人關內外
其後璘又得之故三大將之兵惟興州偏重者此也自
休兵後三大將之兵就糧七十郡

興成皆鳳文龍利閬
金洋綿房西和州太

安軍興元隆
慶潼州府

至乾道末有名籍凡九萬七千三百三十

八人馬一萬三千一百四十二匹都統制至準備將共

二百八十人歲用錢一千七十八萬七千一百四十二

緡

通羅糧為緡凡二千三百八十五萬有奇

帛羅絹綾細布

六十一萬八千七百

七十疋糧一百五十八萬七千六百七十三斛八斗料

二十五萬一千一百四十斛

此淳熙中數

四川廂禁民兵數

成都飛山軍威將強兵

四川廂軍二萬九百七十二人禁軍二萬七千九百九

十二人土兵一千八百三十六人

已上係官軍

義士二萬六

百五十二人

興元府興洋州太安軍

保勝軍忠勝軍忠勇軍

階成西和

鳳
弓箭手西和良家子共六千三百九十九人已上係民兵

保甲五萬五千一百七十人關外四州凡民優恤之制忠勝

軍免家業錢一百五十千至二百千止一家雙名則更免五十千忠

勇軍則階州免家業馬軍二百三十千步軍一百七十千成州免稅賦馬軍

二頃半步西和鳳州皆租馬軍六石九斗八升步軍五石六斗六升其更戍

則月給糧人七斗有半惟忠勇軍更戍保勝軍亦免家業自千至五

五弓箭手則給官田馬軍二頃半步軍二頃此其大較也大率西

蜀大軍廂禁軍民兵保甲總二十三萬三百六十四人

仰給縣官者十四萬餘人此乾道之籍也淳熙以後土

丁亦有仰給者別出於後

成都禁軍謂飛仙軍驕懦最甚紹興末王時亨為制師取

會四川禁軍之籍二萬九千餘人除利夔兩路禁軍分戍沿邊城塞外東西路一萬九千人內揀到五千五百七十三人謂之威強將兵時吳璘步兵遂調此四千人往仙人關捍禦三十二年秋也事平復罷

利路義士

忠義士人

梁洋義士者紹興初王敏節庶為興元帥以富平之役兵卒單弱乃籍興元諸縣良家子弟號曰義士縣令為軍正而尉副之守臣提舉每丁免家業三百緡合梁洋

太安三郡至萬三千餘人軍勢大振紹興二十一年洋
守宋萃者建炎義士所免家業皆軍在不充義士之家
科役偏重秦檜方守和議罷之二十八年大將姚仲奏
復行於梁洋太安巴蓬五郡得二萬一千餘人三十一
年散關之戰驅之使在官軍之前其人勇健善戰亦屢
有功明年改彥功原姚仲攻鞏州皆擁正軍被重甲以
自衛獨驅義士衣赭先登為敵人所拒殲焉僅存六千
餘人乾道元年宣撫使吳玠以巴蓬義士怯弱除其籍

言者以義士勞役明年併梁洋太安三郡罷之大將王權
乞存留不聽三年虞忠肅為宣撫使復籍三郡之丁得二
萬九千九百餘人結成隊伍因參酌陝西弓箭手之舊為
義士專法一百四十二條來上詔頒行之其制今存然邊
民之勇悍者或無常產又自名為忠義人多以販鹽為生
嘯聚邊境勢出義士之上乾道七年夏王能甫為吏部侍
郎乞量加優恤然後嚴行禁止事雖不在宣撫司然無益
也今忠義人關外四州為尤盛

之奇奏以七年四月十二日丙寅下

興元良家子

興元府良家子者紹興四年吳玠為宣撫副使時所荊也其始招兩河關陝流寓及陣亡兵將子弟驍勇雄健不能自存者為之月給衣糧比強弓手五十人為一隊帥臣郭浩揚改為並以備中軍使喚休兵後其數浸微乾道六年王能甫為帥始復招之凡人材及五尺二寸弓力九斗通百將傳將條練弓馬者迺選有官人著司月給米麥各一石帥司緡錢十五千為官人緡錢減三

之一依義士專法隸安撫司御前統兵官不得預能甫
罷去王公明以宣撫使治興元以為良家子舊屬帳前
抽還宣撫使淳熙初宣撫使廢復歸安撫司其籍可二
百人歲費錢二萬四千緡米麥四千八百石而實無所
用但為安撫司執手旗從物而已安撫使財賦急迫乃
奏於都統司中分清酒務之息以贍之然酒息錢實備
他用又私置鹽店六所及收諸浸渡併鹽稅紹熙末楊
嗣勲申嚴鹽法奏言本府自有義士廂禁軍良家子無

所損益乞罷鹽店而以良家子隸都統司從之

五年二月八日

庚子紹興末虞并甫為川陝宣諭使又嘗於襄陽招來

汝蔡唐鄧之人為御前忠義効用

二十二年三月十六日壬子降旨

得

二千八百餘人吳璘為四川宣撫司以德順連官軍寡

弱又取御筆於關外四州乃以主客抽丁每戶有三丁

以上取一五丁以上取兩並刺充御前中軍敢勇

三十二年

十一月十三日乙巳施行令下人皆驚擾會有詔棄德順遂罷之二

事亦蜀中民兵雖不成軍姑附於此

荆鄂義勇民兵

京西湖北義勇義士

荆鄂義勇民兵者紹興末所創也金亮冠江淮之日詔
淮漢等郡籍民為兵時修撰賈感守荆南乃請籍民為
義勇其法取於主戶之雙丁十戶為甲五甲為團甲團
皆有長又擇邑豪為總首歲當農隙教以武事而官給
其糧至乾道間舉七縣之籍主客佃戶凡四萬二千餘
戶計十萬餘丁除當差役人外得義勇八千四百十九
人王公明為帥奏言調集團教之際使之自備食用如

不能辦乞截留本府苗米四萬石漕司應副錢二萬緡
乃從都統司假甲三千弓矢旗幟官為造給從之時有
四年矣六年春帥臣劉供甫又條上京西湖北兩路兵
民事乞為義勇者並免科役及身丁四等戶仍免充保
正長五等戶及免三分稅役每七十五人為一隊遇教
閱日以營兵屯田之穀食之以供其費奏可仍以甲萬副
予之

三千副四川宣撫撥到二千副已支京西五千副
令戰州都統司朝廷發下舊甲五千副於遇戰日

應副
淳熙初張欽夫為帥益修其政義勇增多至萬五百

人分為五軍又分五部欽夫教閱遂弛後四年趙溫叔
為帥復舉行之又增收三千三百人通舊有一萬三千
八百餘人時十一年冬矣當威初籍義勇時武昌令薛
季宣亦求得故陝西湖北弓箭手保甲法五家為保二
保為甲六甲為隊據地行利便則為總不限以鄉總首
領焉總皆有射圃而其幟亦隨總而別其色至今猶存
紹興四年冬王謙仲為安撫使奏乞本路有義勇知縣
及知州兼提舉縣令兼軍正從之蘄州七縣主客戶六

萬六千六百三十二口三十一萬四千八百九十四而
民兵之總為一萬五千二百有一人是荆鄂二州率四
五家有一人為兵也聞軍民兵之籍舊為三千四百人
或號義勇或號強壯乾道元年冬守臣程逖代還乞蠲
其役使朝廷悉令放散及馮忠嘉為守會朝廷復修義
勇之政忠嘉乃因舊籍增補三百人又籍戶馬四百為
馬軍分六隊孝宗大喜詔總領所歲以馬料千石給之
而擢忠嘉直秘閣時七年春計岳州義勇之籍四千四

百九十九人以紹興初計之四邑保甲五凡九百三十
五甲人計二萬八千五百九十三人是為五甲出亦兵
也是時湖北諸郡皆有之而信陽軍有義勇又有義士
惟澧州石門慈利二邑未嘗敢籍紹興末王正功為守
始并籍焉章德茂帥湖南又乞義勇之應差保正長者
以家業錢多寡為限限外之數與官編戶輪流科差從
之忠嘉汝州人用民兵事遂除淮南轉運判官專一教
免淮西保甲感擇州人子耆慶元中為成都府路轉運

判官季宣子士龍溫州人父徽紹興初嘗為右吏其父子皆有名於當世

淮南萬弩手

山水寨民兵

淮南萬弩手者經始於紹興之季使朝廷命籍民為兵淮南乃選丁壯涅其面目民駭而逃杜萃老為殿中侍御史為上言敵未至而先毆吾民非計也令民兵上聽郡縣節制征役無出鄉從之淮民乃定張魏公再起又增招之後亦廢弛乾道五年冬上命措置兩淮官田徐

子寅領其事復以神勁軍為名於是淮東之籍千四百
淮西之籍千六百始議淮南籍真州置寨子寅奏每路
可各增二千但聚而養之則不便上問其故子寅曰今
人給錢米歲用約二十五萬緡每人日支錢一百米三
升招集之費又須五萬緡激賞犒勞之費亦如之異時
財用不給未免放散則失信於民如淮西封疆濶遠聚
而教之民尤以為不便上曰財非所惜擾則勿行子寅
因請即就鄉社教閱從之時六年春矣明年夏淮西帥

臣趙善後因奏乞復取所散神勁軍一千八百三十一

人赴廬州仍舊軍額每八月下旬聚教二月上旬放散

亦從之此即公所招萬弩手也

乾道元年

放令歸耕是時萬

弩手之家已有旨損三百畝稅賦矣

乾道三年

淮西帥胡枋

奏請至是復令興民兵一體教閱焉民兵者於山水寨

保伍中取之三丁籍一亦名義兵歲以農隙取教官給

口糧

自十月教人日給錢至正月終散白米二升

乾道四年冬所創也七年

秋又詔本名丁錢皆蠲之八年冬諭曰以其擾民止命

教一月而罷淳熙初上又命子寅往淮東措置子寅上其數山水寨民兵凡二萬六千九百八十萬弩手凡一千四百四十五明年秋遂命淮西提舉常平茶鹽張宗元與子寅分路提督宗元奏每郡以土豪見任官一員統轄月增給每人三十千諸郡自十月下旬為始赴帥司教閱二月淮西五郡凡費錢十六萬緡米三萬餘石淮東亦倣此惟光黃豪楚安豐盱眙七郡則但就本州教閱其犒設錢減半焉士元者安豐人與子寅皆敢為

誕謾時又有許子中胡與可二人亦有耕屯之策見用
淮人為之語曰徐協恭許子中胡元功三人鼎足立說

脫空協恭元功子寅與可之字也

實錄乾道六年正月戊辰詔徐子寅措置

官田招集人種高郵軍五兵委有勞効除駕部員外郎四月詔子寅往來措置是月丁未右朝奉郎新至高郵軍徐子寅改知恭州依舊措置淮西官田萬五千二百頃閏五月丙戌詔子寅收集流移墾種官田兵民皆舉趾無懈是年以徐子寅屯田委有勞効除直秘閣臣寮上言許子中所奏墾田未經激賞司農寺常駭觀聽乞頒費新命上曰當承辦措置淮西鹽酒事許子中進對奏請修器具鼓鑄上曰一從卿言癸酉進呈計畫上並從之尋又詔子中胡與可與國軍甲戌子寅朝辭上曰更且勉力七月辛巳詔知和州九月庚寅子中知舒州

十月戊午子寅職事修舉除直秘閣在
拜郊前二十日此即三人鼎足時也

是時朝議紛然

歲更月改費用繇多迄無成效久之上亦厭其事自淳
熙七年以後並令在家習武事以聞遂命守令官按閱
之不復聚教矣

湖北土兵刀弩手

湖北辰沅靖澧州刀弩手者自政和七年始募土丁為
之授以閒散而居邊境教以武藝其隸於籍者至九千
餘人

沅州四千一百辰州三千四百五十
澧州一千四百七十六靖州九百三十靖康初全

軍調發往河東援太原為金人所陷僅存一千五百人

建炎三年亟罷之紹興六年冬王子尚為帥張直柔鬻

守鼎言於朝遂命招三千五百人為額

沅州千五百辰州一千靖澧各

五淳熙三年楊太尉倓為荆南帥上命楊修其政令

八月

戊子已而知辰州尹機代還請命有司括田招募人給例

物五千春秋閱教犒賜如禁軍例上即擢機湖北提點

刑獄使與之同措置然刀弩手舊田諸郡已收為省計

機迫使募之往往無田可給但虛立姓名以應命又土

人多憚點集甚患苦之會李仁父出守武陵力言其不便乞廢舊額事下諸司張欽夫為安撫使頗以仁父為是會未幾卒後馬大同繼之欲換以土軍時辛幼安新除澧副亦各具所見議不合於仁父言當用提刑司凡差官點定一千三百七十六人之數增募為一千五百人

沅州增二十澧州十一人為七百辰州增二十五人為五百五澧州增七十二人為二百五十靖州增

六人為二百欽夫以為多減恐不成行列欲用見數委提刑

躬行檢點俟有田沒官始令招足元額仁父復為言如

此則提舉刀弩手司又當復置而欲冒賞者必至橫沒
民田為害滋大不若以見點數為準專委守臣摩以歲
月令招合額仍同欽夫連銜具奏上從之而仁父已為
大同所攻奉祠歸矣

黎雅土丁

嘉定威茂土丁

黎雅州土丁者集沿邊農人火甲戶為之蓋唐雄邊子
弟之遺法舊為行陣軍伍但以甲頭總之祖宗以來弛
酒禁免征役凡優卹之者無所不用其至黎州自乾道

七年邊釁之後始置寨將押隊旗頭之類畧為軍制每
歲農隙時官給口食教之以武事舊制之千人庶有用
也淳熙三年祿粹父直閣為守請倍其數又以等級籍
其少壯者月給以錢九年春言者下黎州別立優卹土
丁之目守臣龔總始奏以五十二人為一隊每邊二十
隊計一千四十人三邊共三千一百二十人置教場四
十九所是時三邊土丁之籍實為五千一百二十六人
而東南邊防托一千七百八十七西南邊防托吐蕃青羌等侯一

千三百九十一正西邊

防托五部落

一千九百四十凡上等

一千五百九十九人歲費錢三萬八千三百七十緡有

奇

每人月給二千歲總四萬一千五百七十四緡遇閏年量加

而戍兵不與議者言

土丁粗有軍律統紀且熟夷人情偽地形險阻其實可用為鄉道守邊境言者乃乞將黎雅二州永利路義士

法措置劉丞相為制置使遣屬官馮傳之往二州共計各州選二千人以上等六百為點集之丁月給錢三百五十次等一千四百為居守之丁月給錢一千兩郡歲費

錢共八萬七千六百緡而教閱之費不與焉時淳熙十年以十二月冬留公又奏乞增黎州次丁八百雅州次丁五百上以其費廣難之嘉定土丁者惟峨眉犍為二縣有焉自淳熙以來峨眉八寨之籍一千四百八十犍為五寨之籍二百七十官既無以給之而又多為寨官所剋剝紹興十三年有言鑄錢轄司者謂宜教識而優卹之時方諱兵迄不能用也威茂州亦有土丁各州二百威州之丁月給米三斗驍健可用夷人亦畏之茂州

之丁半市人無月給半有為夷人庸耕者蓋二郡皆半入夷腹中省地茂州每各教閱則土兵悉從夷人假衣甲器械以為用事已復歸殊為文具

龍州寨子弓箭手

龍州寨子弓箭手者熙寧間有團結也分戍漁溪濁水乾坡三寨共一千六百十三人蓋推排附近有物力稅戶為之每夫月給錢一千三寨仍撥住十六鋪防捍月一替而文州亦有鄉兵義士分守關隘即有緩急土豪

得以拘集焉

湖南鄉社

湖南鄉社者舊有之領於鄉之豪酋或曰彈壓或曰緝捕大者所統數百家小者三二百自長沙以及連道興韶而彬桂宜章尤盛乾道七年春知衡州王琰者言湖南八郡三丁取一可得民兵一萬五千人帥臣沈德和不可乃止淳熙七年春言者奏鄉社之擾請盡罷之事下安撫司已而帥臣辛幼安言鄉社皆雜處深山窮谷

中其間虛實狡詐或有之但不可一切盡罷之今欲擇其首領使大者不過五十家小者減半屬之巡尉而統之縣令所有兵器官為之印押馬上從之

廣西土丁

廣東保伍

廣西土丁舊有之熙寧立法一年縣教一年州教元祐間以其擾罷之紹聖末復為之仍令逐縣以都管指揮均作三番自十一月至正月終每輪教一番即有科需私役並究違例之罪龍興初以高藤雷容盜起二年春

詔州縣教閱並令暫罷兩月以十二月作兩番分教先是東西兩路並有土保丁一戶一名土丁則父子兄弟盡在其數土豪號為統率者總屬焉遇有盜賊則追胥竭作然州縣或反科役民甚苦之乾道二年春殿中侍御史張之綱請一切罷放上許焉既而知潯州朱師孟又言之是年秋復命巴宜欽州籍定土丁姓年甲至五十歲即揀汰別選戶丁承替每春秋農隙於逐鄉各置教場如法教習明年秋龔實之為廣東提刑司奏乞

令州縣團結保伍防守鄉井淳熙三年冬張欽夫為廣西帥復請申保伍之令而信其賞罰上皆許焉蓋二廣封疆濶遠姦盜孔多非保伍土丁無能遏之於其始也

夔路義兵

施黔敢勇義兵

夔路義軍者紹興末邊事也有帥守李師顏於夔州三縣保甲中選置立賞罰之格分上下軍名色團結上軍包家業二百緡下軍半之始議摘諸州禁軍時晁子西守梁山為言夔有萬山其鄉之民勇壯伉健過於正軍

乃損租賦以募之元額三千四百餘人李既去遂為文具慶元中毋丘恪厚鄉為帥請於朝選其壯者以二千人為額人免家業二百緡本戶不敷則許免及親戚之殷賑者盡與蠲除仍涅其臂以防逃匿之弊巫山縣亦二千人雲安五百皆以縣令為軍正獨奉節之兵春秋同大軍合教有刀弩有弓箭手而鎗手居多焉蓋夔路自恭涪忠萬四州外皆有義軍每州或數千人此外又有施黔勇敢及思遵義田楊等族家丁皆驍健可用然但

能出入於上下溪谷林木之間耳所恃偏架木弩及藥矢之類非正兵之比也

瀘南夷義軍

沿邊勝兵

瀘南夷者義軍也瀘叔長寧沿邊諸堡寨皆有之每郡多至四五千入夷軍夷族也義者民兵也又有勝兵其實皆土丁之類

福建保伍

福建保伍者鄉村自相團結為立宅戶而為首領所以

備盜也閩中人素勇悍在熙寧間有槍杖手五十餘人
建炎初嘗用之紹興後廢建炎元年八月又用張誠伯
言置諸路忠義巡壯其制甚備紹興初言者以為擾民
遂罷惟福建獨存

殿前司左翼軍

殿前司左翼軍者本陳敏周虎臣家丁也紹興十五年
薛待制弼為閩帥時劇賊管天下者剽掠郡邑薛命提
轄李貴討之為管生得薛前守有忠郎石城陳敏武翼

郎開封周虎臣各有家丁數百人皆驍健善戰乃奉敏為汀漳巡檢虎臣本路將官即選二人家丁十人日給錢米責以捕盜謂之奇兵於是處梅草寇不復入境盜悉平十八年八月遂改奇兵謂之殿前左翼軍即以敏為統制留戍其地後以時招填增倍其數今屯皂州

殿前司推鋒軍

殿前司推鋒軍者舊以廣東多盜使統制官韓京戍梅循以彈壓紹興末移其半三千人戍荆渚隆興二年王

宣鍾玉作亂復命推鋒其半今存

凡三千四百人分屯廣東諸州縣鎮共二

處十

湖南飛虎軍

湖南飛虎軍者潭州土軍也淳熙四年春樞密院言江西南多盜諸郡廂禁軍單弱乞令諸路帥司各選人配隸如置一軍並以敢勇為名以一千人為額其後帥臣王佐呂佺中以為亡命之徒恐聚集作過遂不行七年辛幼安為譚帥始募一千八百人訓練之其冬賜名遙

隸軍司

十一月八日降旨

十年夏改隸御前江陵軍從副都統

郭杲請也

五月十日降旨

明年趙衛公為帥奏乞移其軍屯江

陵周益公在樞院以為小人重遷恐生變不可趙公力

請迄不行

飛虎軍並以步名歲用錢七萬八千貫糧斛二萬四千石徭人弭盜司關額錢糧支用者

也益公云湖南湖北近年來多有聲息厭惡不籍此軍者先見也

京西湖北神勁軍

淮東強勇軍

京西湖北神勁軍者淮東強勇軍皆帥司兵也數各有

千人而湖北有騎軍三百乃淮東錢之望所創

成都府義勇軍

雄邊軍

成都府義勇軍者淳熙末趙子直帥蜀時創也其始黎州皆以西兵出戍即有邊事則調綿子所駐大軍討之地遠不時至淳熙初范致能為帥言所教成都禁卒謂之飛仙軍者今已可用乃命五百人往戍之及胡長文為帥又摘西路並邊九郡禁卒千人駐於成都以代西兵出戍謂之雄邊軍時五年冬也然西州之卒皆怯懦而不可用青羌入寇或潰或死遂廢之十二年春留仲

至始采衆論用黎州土丁二百謂之防邊義軍月以錢
七十給焉十四年子直又招西人五百屯於成都俾之
更戍亦謂之義勇故黎人有西義勇士義勇之名云是
人皆驍勇善鬪非雄邊之比也

平江許浦水軍

江陰左翼推鋒延祥江上水軍

平江許浦水軍者本明州定海縣水軍也舊隸沿海制
置司防托海道乾道中改隸殿前司以三千人為額五
年冬又改御前水軍八年春併歸許浦鎮置副都統制

統之淳熙四年冬詔以七千人為額五年秋又增額五百人江陰水軍舊自泉州調發乾道三年陳正獻在樞院以其勞費奏留屯二千人於江陰軍而沿海制置司又別屯千人逮淳熙末累增四千人分三將此外左翼軍亦有水軍三千人推鋒軍三千人福州延祥寨千人而鎮江建康府池江鄂州御前許帥亦各有水軍多者數千人少者千餘人其後殿司又有澈浦水軍而淮陰靖安唐灣采石諸水軍則皆在御前之後

神勁神武忠勇忠銳忠武軍

神勁神武忠勇忠銳忠武軍者孝宗時旋創之後亦廢
始張忠獻公為江淮宣撫使以為楚之人才自古可用
乘其大擾之後當收以為兵乃奏置御前萬弩營募淮
南北之民十八已上四十五已下不涅臂面屯於建康
五人為保兩保為甲十甲為隊有功同賞有罪同罰擢
陳敏於廢困之中以為統制敏感激圖報未幾成軍凡
一萬八千人隆興初賜名神勁隸都督府歲費錢二百

萬緡魏公罷錢處和出使言逃亡者計七千人湯丞相
以費國用為言遂不復補神武軍者四川宣府所遺護
衛兵也隸殿前司乾道二年秋初立軍名忠勇軍者隆
興中所創在福建江東西浙東諸州招募屯於行在命
李顯忠子師民等統之靈璧之役遣隸都督府二年春
併入步軍忠銳軍者乾道四年所置選諸路禁軍土兵
之少壯者命將以冬月訓習事已遂遣之忠武軍者乾
道八年春所置選兩浙諸州土兵弓箭手為之其秋又

起二浙揀中廂軍亦謂之忠勇軍以帶御器械劉沂為本軍統制凡皆不必書聊備其始末

赤心忠毅忠順強勇義勝軍

赤心忠毅忠順強勇義勝軍等皆歸明人也赤心軍者宣和中來歸之士以燕人王鈞甫馬柔吉領之二人皆文臣後從苗劉作亂誅死忠毅軍者紹興末歸正人也隆興二年夏上詔於石頭城置柵以處北人之降者賜名忠毅拜降將蕭琦為都統制命建康都統王彥以北

軍千人予之又名鎮江歸為忠順命都統劉寶以七百
人予蕭鷓巴彥言歸正人不可聚為一所今已散在諸
軍又北人常疑有發還之意若聚以付琦為不便鷓巴
謂寶曰此曹心不可保恐緩急執我北去我只乞馬軍
千人將之上聞乃命蕭琦將南北軍各半王瞻叔為宣
諭使以為不可卒予南軍由是二軍徒有其名旋亦罷
去今北人皆散隸軍中乾道間上嘗欲選千人赴行在
以効士為名置一寨以備使令命未出而中止強勇軍

者淮南安撫使所籍紹興末歸正人也義勝軍者四川宣撫使所籍歸正人契丹女真非漢兒也二軍各數百給用如効用義勝始有五百屯洋州紹興乙卯金人來索盡予之今之義勝軍乃辛巳以後來歸之人也

諸軍効用

効用者諸軍皆有之不涅其面廩賜厚於正軍建炎間其數猶少紹興七八年後則漸衆矣紹興末虞并甫為川陝宣諭使招効用一千餘人

京西二百八十人
四川七百七十七人

四月

給錢五千米給五斗又先給例物三緡王瞻叔代之以
為厚薄不均遂撥入正軍以填缺額隆興初并甫為湖
北京西制置使復招効用上以其多費欲勿招用張魏
公為上言艱難之時非優與請給不可招募興國初年
事體不同湯進之仍請招七八軍兵三分効用上從之
自是招軍皆以三七分為準

川秦買馬

歲收茶帛數

川秦馬舊有二萬匹乾道間川秦買馬之額歲買一萬

一千九百匹有奇川司六千

黎叔文長寧南平五州軍

秦司五千九

百

岩昌寨百峰貼五千一峽八百

益粹利三路漕司歲應副博馬綢絹

十萬四千匹

成都路五萬潼川路三萬三千利路二萬餘

成都利州路十一

州產茶二千一百二萬觔

其詳見茶事中

茶馬所收大較若此

其後文州改隸秦司而川司增珍州之額共為四千八

百九十六

黎州三千叙寧軍三百九州八百南平軍四百長寧六百珍州二百三十

秦司六

千一百二十

岩昌寨三千九州千五百峯貼百二十文峽寨七百

合兩司為萬有

一千十有六匹此慶元初之額也嘉靖末川司五場又

增為五千一百九十六匹秦司三場增為七千七百九十八匹合兩司為萬有二千九百九十四匹然累歲所市多不及額焉蓋祖宗時市馬分而為二其一曰戰馬生於西邊強壯濶大可備戰陣今宕昌峯貼峽文州所產是也其二曰羈縻馬每綱五十匹其間良細不過三五匹中等多十餘匹餘皆下不可服乘守者貪於賞格以多為貴起綱遠來或道路失調甚至僅皮骨茶馬司以其將斃者責付諸路鬻之至則隨死而計綱赴江上者又

為押綱卒校竊其芻粟道斃者相望焉成都府馬務每

年排發江上諸軍馬五十八綱

每綱食米錢計二百貫共一萬一千六百貫用

三員每員六百貫共一千八百貫加以押馬官之費共三萬一千八百貫

興元府馬務每年

撥發三衛馬一百十二綱

所費稱此

卒未嘗如數蓋茶馬司

靳吝錢帛蕃蠻馬至多不即償故也

或謂守倅兵官及市馬司下屬皆有

激賞而惟主管官無之故至此

舊蠻中馬高下良駑各有定價紹興中

張松為黎倅欲馬益額以俸賞高其直以市之自是夷

人得欲無厭愈肆邀索癸巳馬政之後功部川蠻邀功

趙彥博始以細茶錦與之至今夷人常以馬博茶錦不堪籍口淳熙中龔總為黎守又與功蠻設度於倖廳之副堦攜以酒食夷人益肆稍不如欲則詆訶官吏牽馬出場宕昌馬舊止三千淳熙始增其數慶元中既金人為蒙國所侵冀之北土遂失已未歲乃於洮州置場買馬由是馬至於秦司者差罕云

廣馬

廣馬者建炎末廣西提舉綱丁李棫始請市戰馬赴行

在四年戊午月紹興初隸經略司三年春即邕州置司提舉

正月壬午市於羅殿自杞大理諸蠻未幾廢買馬司以帥臣

領其事七年胡待制舜陟為帥歲中市馬二千四百匹
詔賞之其後馬益精歲黃金五鎰中金二百五十鎰錦
四百端綺四百疋廉州鹽二百萬觔而得馬千五百匹
馬必四尺二寸以上乃市之其直為銀四十兩每高一
寸增銀十兩有至六七十兩者土人云其尤駟駿者在
其出處或博黃金二十兩日行四百里但官價有定數

不能致此耳然自杞諸蕃本自無馬蓋又市之南詔南
詔今大理國也去自杞國可二十程而自杞至邕州橫
山寨二十二程橫山寨至靜江府又二十餘程羅殿國
又遠自杞十程乾道九年冬有大理人李觀音得等二
十二人至橫山求市馬知邕州姚恪盛陳金帛誇詡之
其人大喜出一文書稱利貞二年十二月約來年以馬
來換所須文選五經國語三史初學記及醫釋等書恪
厚犒遣之而不敢奏也會宜州溪洞巡檢常恭者赴闕

持南丹州莫延甚表乞就宜州北之橫山市馬可省三

十程

產馬地至南丹十程南丹至靜江十三程

張說在樞院以其表聞李壽

翁時為檢詳文字為說言邕遠宜近人孰不知前於其

塗彼其無意況今莫氏方橫乃欲為之除道而擅以立

市之饒誤以小吏妄作將啓邊釁請論如法說不聽命

從義郎李宗彥以提點綱馬驛程往宜州措置

九年十月甲

戌既而說罷政樞密院乃奏宗彥等所言邊方不便罷

之淳熙元年秋也

說以八月罷政密院以十月奏罷宜州買馬

帥臣范致能

因劾常恭之罪下吏削籍流竄焉廣馬例以五十匹為

一綱每年遇三十綱許以推賞然官吏為姦博馬銀多

雜以銅

蠻人交易每握臂釧撲銀一兩而以為準

鹽百斤為畚腋減至六十

所贏皆官吏共蝕之蠻知覺不肯以良馬來所市率多

老馬病駕且不能登數致能為之約束太守至鎔釧撲

增足鹽畚逮其去官之歲市馬乃六十綱前此未有也

淳熙二年嶺南自產小馬四直十千餘緡與淮湖所出無異大

理西戎接壤故多馬馬雖互市於廣南其實猶西馬也

蓋馬喜高寒非炎方所利淳熙二年秋占城國王遺瓊州守臣書遣六百人海舟三十艘至海南買馬上命帥臣張敬夫作書諭以中國馬未嘗出外夷人乃去安南亦不產馬故以象拒戰焉

淮馬

淮馬者隆興初張魏公為江淮都督嘗即淮上市之魏公以為朝廷歲於川廣市戰馬每匹不下三四百千而又道遠多斃今淮馬每匹不滿二百千且軍中即日

可得上從之都督府廢乃止然淮馬矮小實不可用者
故取諸廣者此耳乾道以後又詔於淮郡市馬於是多
有越淮盜馬來售者又奉議郎曾昭守濠州至以其馬
起綱赴行在北人以為言淮西帥臣趙善俊奏其事大
臣欲下令還之孝宗以為得體乃諭善俊執死罪囚付
昭令斬之曰此盜馬者也於是一綱已至御馬院命濠
州以死損報而次綱未至者皆遣還之昭坐追三官放
罷自是不復買淮馬云

曾昭以乾道七年三月二十四日戊戌行遣此事嘗見親筆處

分史不能詳也

三衛諸軍取馬數

舊於川秦市馬赴樞密院而道斃者多紹興二十四年冬始命撥秦馬付三衛命小校往取之三司取馬再歲一往互用精甲四千四百人州縣頗憚其費二十七年秋又詔川馬不得赴行在分隸江上諸軍鎮江建康荆鄂等各七百五十江池軍各五百殿前二千五百馬步司各千而以川馬之良者二百進御紹興十九年春所

定也

網馬皆陸路

凡川秦網馬皆遵陸路乾道初吳信王璘為宣撫使始
議以為網勞費又均房一帶乃歷峻嶺亂石之間馬傷
其蹄道斃者多請以舟載馬而東

元年五月丙寅

上命夔路造

舟與之張真父帥夔力言其不可以為每網三舟

舟安馬十

八用梢水一百二十人

每舡梢公三十人水手六人

自夔至歸往返

半月程

下程水三日水上四十二日

雇食錢九百緡

每人雇錢二百食日錢三百

以歲額一百三十五綱計之度用錢十二萬一千五百

緡而起蓋為馬驛及一行官兵批支草料不與焉一州

如此其十州可類推又每郡且約造十五綱之舟循環

津載凡為三萬五千緡

每舟費八百緡

而一舟十五綱往返勢

必腐敗來歲又當改作況十郡之舟應用水手萬二千

人

每舟以千二百人循環往來津載方不積厭

每州批支三日料計二千八

百二十石

每四日支大麥八升

粟草四十五萬七千五百斤

每四日支

十三斤自利至峽十一州歲費約二百緡又且出產不敷

決難椿辦大臣進呈

九月丁卯

上曰第令造舟與璘他日有

損壞者軍自修之其他皆吳璘自辦其事遂行洪聖錫

時在成都亦言其不便不聽始議馬舟至鄂州登陸樞

密汪明遠乞令諸軍以馬舟泛大江而下上曰大江風

濤或作即數日不可行自鄂州遵陸可也

元年十一月辛酉

未

幾璘條上馬綱畫一復以芻秣等事委茶司及沿流諸

郡明遠以為不可

是月辛未

而又請修歸峽棧道宰相洪景

伯曰歸峽道路險峻人猶不可行馬豈可行也乃命至

荆南遵陸

十二月庚寅

於是璘已俾三衛取馬軍士貼舟而

東上聞之諭大臣曰如此即空舟如何得回遂更命璘

措置

三年二月庚辰

璘奏已出本司錢七萬五千緡付合州造

馬舡二百

每隻約物料人工食費四百五十貫錢引

網三船可載一網

五百料舡

可載二十匹七百料舡可載二十五匹

自利州至峽州計二十八程

利至閬

至果果至合皆日可到今各計四日程合至恭恭至浩浩至忠忠至萬萬至夔皆一日或日半可到至今各計

兩日程夔至歸歸至峽各計三十程

每五十網日支料二百石通計五千

六百石已支錢一萬二千二百緡

果州以上每石兩貫合州以下每石一貫

五百今並
支兩貫

五十網募梢火八百人

每網梢火
二舟各八

益以牽馬

人一千二百五十人

每網二
十五人

及遂州所產回船軍兵二

百五十人

每網
五人

除軍兵外梢火雇錢為二萬緡

利閭果
變工各

二貫火兒半之谷恭涪忠歸五州梢工
各二貫五百丈火兒一萬五貫五百丈

如今所發來五

十網西馬比陸路無死損阻滯川馬亦依此撥發奏可

二月

於是大臣因為上言恐璘亦疑水路有未盡善上

不以為然明年春夔路轉運司主管文字潼川任續至

行在上言今造舟已畢土役事罷山程灘險利害相當

在所不論惟欲撥陸路之芻秣以免沿流之煩費輟四
路之軍兵以免篙梢之追擾四路廂禁軍數目不少若
各輟五千人於沿流十郡充水軍其衣糧令元來處科
撥馬綱行則迎送舟船馬綱住則訓習水戰莫此為便
上大善之下制置司撥廂禁軍共三千五百人如所請
三月甲子時真父已去王龜齡代之與漕臣查元章皆力論
其擾人而不聽也有知歸州周允升者傳會璘說言本
郡舟船草料皆已辦集即擢為夔州轉運判官而任續

亦除知涪州又易恭州使監送峽江湍險軍士素不諳
習一遇灘磧人馬覆溺於是驅沿流之民為之操舟所
賫衣糧為之劫奪所過雞犬為之一空未幾璘薨虞并
父代為宣撫使奏言水路至荆南三千餘里一旦風阻
行船不得或至三五日馬失餽飼乞自金州舟行五
驛至淨口遵陸行至均州上從之
三年十月甲子後月餘言者
又奏馬綱所至騷擾江村而商販米斛之舟尤被其毒
況水路馬數較之陸行存亡相若而於糴場大有妨礙

乃詔川路馬船日下廢罷

十一月己巳

蓋自璘請建之利夔

兩路沿江十餘郡之被其害者三載而後得免云

廣中鹽易馬

廣馬之良者赴三衛而其他則付建康鎮江府池鄂太平州軍中皆有常數舊以廣西十州民運鹽至橫山寨民甚苦之紹興十九年逮陳璘為經略使始以官錢募小校運送若鹽無缺失則使部良馬至行在以酬之至今為例

孳生監牧

自渡江以來無復國馬紹興二十年冬始命三省樞密

院措置馬鹽

十月辛卯

後置於饒州以守倅領之擇官田為

牧地復置官提舉俄亦廢四年又置監於臨安之餘杭

及南蕩四月丙午十九年夏詔馬五百匹為一監一牡

為四監監分四郡歲產駒三分如斃二分已上有賞罰

上嘗謂大臣曰議者言南地不宜牧馬朕昨自措置養

馬今方二三年已得馬數百矣

十三年五月癸亥

先是川路所

置馬歲付鎮江軍中牧養十九年春上以未見孳生之數遂分送江上諸軍仍立賞罰正月庚戌後又置監於郢鄂之間牡千牝倍十有餘年才生三十駒而又不可用乃已故國之戰馬悉仰於川秦廣三邊馬也

御前軍器所

器中物料所書斤重價直等附

元豐官制置軍器監以掌戎器之政令又有御前軍器所之役兵有萬全軍匠三千七百人東西作坊工匠五千
人紹興初役兵才千人而已久之增至千六百餘人

於諸道增差二千九百餘人除本券外日增給百七十錢月斗半米於是內庫造作累年兵械山積而諸軍亦各除戎器二十六年詔見役工匠宜減免江浙福建諸州所發物料皆蠲之二月甲戌有司尋奏物料以三分為率減一分工匠以二千人雜役兵以五百人為額舊時軍器所得專達建炎中嘗以大閹董懋提舉未踰年即罷之紹興五年春始隸工部三月戊午後復以中人典領其調度程品工部軍器監有不得預聞者三十年秋黃通老

為侍郎為上言非祖宗建官正名之意請得隸屬稽考

之詔依條檢察

七月庚子

孝宗受禪之十四日

紹興三十二年七月己丑

有旨增置提點官一員後五日以内省都知李綽為之
改稱提舉又七日詔御前軍器所專隸提舉其隸工部
等指揮勿行張真父時為御史力論其不然且言軍器
所不治令工部按劾措置可也工部不職罪之可也今
使內侍掌之則它日吏部有銓量之弊戶部有財賦之
弊以至兵部軍政之施刑部獄訟之繁亦將盡以中官

典領之邪繼又論近日大小飛蝗地震皆小人紊政之

象其不可有四上乃命仍隸工部

七月庚申

綽怒丐免乃復

選皇臣代之

八月庚午

今軍器所拋降諸道木羽箭動輒數

百萬枝黃牛皮亦數十萬張其他所需稱此郡邑多以

煩民凡事軍器所造甲每副用甲葉一千八百二十五

約重五十斤分四等披膊葉重二錢六分

凡五百四斤

甲身

葉重四錢七分

三百二十斤

腿裙葉重四錢半

六百七十九斤

頭盔

葉重二錢半

三百一十斤

頭盔眉宇共重二斤十二兩皮綿

結頭事件重五斤十二兩五錢一分

紹興四年正月乙丑軍器所定直

凡軍中造提刀一費錢二千三百弓一費二千七百手

箭一費七十四弩箭一費錢六千五應鼓一費六千五

百披膊一副費錢三十八千二百兵幕一座費錢六十

九千八百朱馬甲一副費錢四十千一百朱馬甲當臂

一副費錢十七千三百皆有奇

紹興三年六月丁亥神武軍所定直

凡弓

甲物料荆湖福建浙西四路諸州軍計數赴殿司及沿

江諸軍製造溫鑿等八州計數赴馬司江台等八州計

數赴步司惟明信等九州弓甲

隆興慶元府贛撫袁信州臨江興國南安軍

昇宣等七州

建康寧國府太建昌平筠衡州廣德軍

紹興府甲皆造成赴

內軍器庫而諸道羽箭亦皆造成紹興二十九年夏郡

國多以乏人匠為言遂命計料輸之惟荊州軍及信州

造箭如故

四月巳酉

木羽弩箭者不用羽創自乾道中又有

尅敵弓韓蘄王所創自紹興中至今不廢

四川作院

自休兵之後有旨命成都潼川遂寧府及嘉邛資渠共

七州自作院日造甲興元府興闡城州大安軍仙人關
六處作院日造神臂弓甲皮羶其器械山積今並屬總
領所給之有軍庫馬弓弩弓多至數十萬箭數百萬枝

舟師戰車

東南沮洳非用武之地故多以舟師勝建炎四年春陳
思恭窘烏珠於太湖紹興三十一年冬節使斬鄭嘉努
於石白島虞應公敗完顏亮於采石磯皆舟師也今沿江諸
軍咸有棹船士每按試中流上下如飛北人駭愕紹興

二年有布衣王大智者獻戰車式上乃命其為樞密院計議官明年車雖成而不可用也遂罷之至二十九年夏殿前司統制官陳敏復上戰車之議上乃謂大臣曰其車制雖古然而用各有宜況其物料最多南方所無也姑令三帥議之或免武臣有一得之歎耳其後卒不能行議者謂春秋時申公使吳教之乘車由是始大其法故曰或以為可用於今日不知古時以兵車交戰者也今金人專尚鐵騎而吾欲以戰車用之誠未見其可

也按靖康末樞密院將官劉浩者在於河北募兵創造戰車其法有左右角前後拒各式冊載卒二十五人每車計百人而宗汝霖戰車者十有一人執器械輔車者四十有四人每車計五十五人如李伯紀戰車之法兩竿雙輪上設皮籬以捍矢石下施鐵裙以衛人足旁施鐵索聯絡可為營四人推竿以運車一人登車以發矢二十人執器械夾之兩旁每車計用二十五人法皆不同但不知王大智所陳其戰車之法又不知何如者也
開禧初中郎將厲仲方者歷陽守而仲方本書生嘗造戰車并九牛弩未及用而罷去周虎繼之或謂虎用其戰車乃敗敵於清水鎮然不知其詳何如也

建炎雜記甲集卷十八